

सानसेयारि "बड'सा" खौरांलाइयाव
अमजयारि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पार्क
बाइदिनि आयाव लिखनाय लिखिबां दैथाय हर।
सानसेयारि "बड'सा" खौरांलाइया सेबखानाबि
फोसावगोन।
बड'सायाव लिखनायनि हुबा खालाम,
"बड'सा" खौरांलाइया, जो बयबो आंगो खालाम।

सानसेयारि बड'सा मावखुनि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 13 October, 2020 Kokrajhar, BTC, Assam ★ Vol.- 30, Issue No. 199 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गिबि मन्थिआ सनवालआ डिब्रुगड्आव एएमसिएच फोनांजाब लामा बेखेवदों

मिरु एबसुनि थान्दै हान्जाया सोल्लोथाय आयदानि सायाव आसाम सरकारनि सोल्लोथाय बिफाननि बिबानगिरिफोरजों मेल जथुमदों

दिसपुर, 12 अक्ट'बर:
डिब्रुगड्आव नोगोर गुदि जौगाखां
पुन्जिन 4.42 कौटि रं बाहायनानै
लुफुनाय आसाम मेडिकल कलेज
आरो फाहामसालिनि फोनांजाब
लामाखौ दिने गोजोनै बेखेवना
होबाय आसामनि गिबि मन्थि
सर्बानन्द सनवालआ। मख'नो
गोनांदि, 37 नं महारियारि राजा
लामानि फोनांजाबआ गोदानै
जौगानाय आरो बे फोनांजाब
लामाखौ बेखेवनानै गिबि मन्थि
(□ 5 बिलाइआव)



कक्राझार, 12 अक्ट'बर:
दुलाराइ बर' फरायसा आफादिनि
आफादिगिरि दिपेन बर'नि
दैदेन्नायाव दिने मिरु एबसुनि
मोनसे थान्दै हान्जाया आसाम
सरकारनि सोल्लोथाय बिफाननि
गोजौ थाखोनि बिबानगिरिफोरजों
बर' बिजोंजों लोगोसे गुबुन गुबुन
बिजोंनि सोल्लोथाय जेना आयदानि
सायाव मोनसे गोनांथार सावरय
मेलआ जानानै थाडो। दिने
गुवाहाटीनि जनता भवननि 2 थि
(□ 4 बिलाइआव)



मन्थि हिमन्त बिश्व शर्माया दिने कक्राझार दावबायफैगोन

कक्राझार, 12 अक्ट'बर: आसामनि सोल्लोथाय, देहा आरो रंखाथि
बिफाननि मन्थि ड० हिमन्त बिश्व शर्माया गाबोन मंगलबारखालि
कक्राझार दावबायफैगोन। आसाम राइज्योनि बिजेपि जनजाति मर्चाणि
आफादिगिरि हेरन देवरिआ दिने बे आयदानि बागै फोरमायथि होदों।
अदेवानि कक्राझारवा सान्नेनि (□ 5 बिलाइआव)

आइएवाइ आरो एमजिएनेगा बिथांखि मावफुनायाव खेलेखारि सोमजिनयानि अजदजों माजबात जौगाखां खेन्दोयाव आरिटाइ थिसदों



उदालगुरि, 12 अक्ट'बर:
उदालगुरि जिल्लानि 39 नं पासने
सेरफां बियाबनि एमसिएलए
फाण्ड आरो पिएमएवाइजों
लोगोसे एमजिएनेगा बिथांखि
मावफुनायाव गोबांथार खेलेखारि
(□ 5 बिलाइआव)

गागि थुनलाइगिरि, हारिमु सिबियारि रामकृष्ण तालुकदारनि लाइसि बेखेवदों

भवानिपुर, 12 अक्ट'बर: सान्नाय हनाय आरो सांग्राथिफोरखौ
सिगाडव लांनयनि थाखाय लाइसि दिहुननांगो आरो बेनि गेजेरजों
सुबुंफोर फरायनानै जाहाथे मिथिनो हायो। जों जौनि आदर्शन फारसे
सान्नाय आरो सांग्राथिफोरजों मोगा-मोगि जानयनि राहायानो जादों
लाइसि दिहुननाय आरो बेखौ फरायननाय। बेबायदि बाभ्राखौ बुंथिदों
भवानिपुर फरायसालिमानि गोरानुं आरो (□ 5 बिलाइआव)

बिटिसियाव लोगो नांनानै बिजेपिआ सरकार दागोन: रन्जित दास

कक्राझार, 12 अक्ट'बर:
बिटिसिनि खुं जानो गोनां
बिसायख थियाव जाय हान्जाया बां
सानखो मासि देरहागोन बे
हान्जाजों लोगो नांनानै बिजेपिआ
सरकार दागोन। बे बाभ्राखौ बुंदों
आसाम बिजेपिनि आफादिगिरि
रन्जित कुमार दासआ। राइज्यो
बिजेपिनि आफादिगिरि दासआ
(□ 5 बिलाइआव)



बगिबिल दालांजों गिबि खेब जरखा राजधानि एक्सप्रेस खारजेनबाय

गाहाय मन्थि मदि आरो रेल मन्थि पियुष गयेलखौ साबायख र जासिजों गिबि मन्थिआ

दिसपुर, 12 अक्ट'बर:
जारीमिनारि आसाम गोरोबथानि
गेजेरजों लुफुनाय बगिबिल
दालांजों दिने गिबि खेब जरखा
राजधानि एक्सप्रेस खारनाया
जागाय जे नबाय। आसाम
आरो सा-सान्ना ओन्सोलखौ
फोनांजाबनाय हादतनि रेल
सिबिथाय राहाखौ मोनसे गोदान

मिजिनि लामा दिन्थिनो हागोन
होनानै रायखाना बेनि थाखाय
गाहाय मन्थि नरेन्द्र मदि आरो मिरु
रेल बिफाननि मन्थि पियुष
गयेलखौ जरखायै साबायखर
जासियो। गिबि मन्थिआ बुडोदि,
थानाय 70 जौथाय नाडै
गोरलैसनानै थानाय बुल्लुथुर्नि
रेल खारनाय बिथिडव बे गेदेर
राहानि हाबाफारिया मोनसे गोदान
मिजिनि दावबायनायखौ सिगां
(□ 5 बिलाइआव)

बागानपारायाव आइजो बिपिएफनि गेवलां जथुम

जायखि जेरावखि हान्जायाव थायाथों सोस्रौबा सोंखारिनाया सुबुं मोन्थायनि बैरखा: अन्जलि दैमारी

बागसानिफ्राय बिनय कुमार बर', 12 अक्ट'बर:
जायखि जेरावखि हान्जायाव थायाथों मानो बेखौ
सोंखारिनाया सुबुं मोन्थायनि बैरखा। मानोना गावनि
गोसो बायदियै जायखि जाया हान्जा एबा आफादआव
हाबनो हायो। बेयो गावना गावनि मोन्थाय। थिख
बेबायदिनो आंबो बिपिएफ हान्जाखौ मोजां मोन्थानै
बिपिएफ हान्जायावनो हाबदों। बेयो आनि मोन्थाय।
दिने बागसा जिल्लानि 25 नं बागानपार बियाबनि
बिपिएफ हान्जानि बिजाथि पलिन्द्र बसुमतारिनि
मदतआव बागानपारा ब्लक आइजो बिपिएफनि
गेवलां जथुमाव गाहाय आलासि महैर बाहागो लानानै
बे बाभ्राखौ बुडे ड० अन्जलि दैमारीया। बिथाड
बुंबावोदि, बिटिस (□ 5 बिलाइआव)



बिटिआरनि सालबारि बियाबआव एमपि शरनियाखौ गोखों रावजों सावरायदों

बर-अवर नि राजखास्थिजों मुलाम्फा मोन्नाय शरनियानि संसद पुन्जिआ बवेयाव थांखो ?



भवानिपुर, 12 अक्ट'बर: इडपिएल दोलोनि बिजाथि
बिटिआरनि सालबारि बियाबनि बिनद मुसाहारिनि जानानै
(□ 5 बिलाइआव)

बियाबनि गुबुन गुबुन
ओन्सोलफोरव थांनय माखासे
साननिफ्रायनो मेल-मिथि आरो
फोसावदिनाय हाबाफारिफोरा
खुंजाबोबाय थानायनि गेजेरव
दासान्दि ओन्सोलनि राइजो-
राजाफोरखौ लानानै इडपिएल
दोलोनि फोसावदिनाया गोखोंसिन
जादों। मख'नो गोनांदि,
इडपिएलनि मिरु दैदेनगिरि
दयाल शरनियाआ हाग्रामा
(□ 5 बिलाइआव)

बोसोरारि कार्तिक माइनाव खेराइ फुजाखौ सानथामनि हाबाफारिजों फालिनो लाहार-फाहार

कक्राझार, 12 अक्ट'बर: कक्राझार जिल्ला सदर सहरनिफ्राय सानजा
फारसे इसे जानथायाव थांनय नाइगाव बाथाबारि बाथौ मन्दिर (अश्रम)
आव मिरु बिबार बाथौ मन्दिर (शिब) आफादआ गुबुन गुबुन
बोसोरफोरव फालिबोबाय थांनय बादिनो बे बोसोरवबो कार्तिक गासा
सावनायजों लोगोसे माइनाव ग'सा लानाय आरो माखासे गोनां हाबाफारि
लानानै बोसोरारि कार्तिक माइनाव खेराइ फुजाखौ कार्तिक दाननि 1,
2 आरो 3 एबा सोलिफु अक्ट'बर दाननि (□ 5 बिलाइआव)

साननि हाबाफारिजों चिलघागरि दालाइ आक्रासुआ जथुम्मा खुंदों



बासुगाव, 12 अक्ट'बर: दुलाराइ कच राजबंसि फरायसा आफाद
सुंदयै आक्रासुनि सिदली काचिकत्रा दखरा आफादिनि बाज्जानयाव
चिलघागरि दालाइ आफादिनि 3 थि बोसोरारि जथुम्माखौ रबिबारखालि
साननि हाबाफारिजों लक्ष्मी मन्दिरनि (□ 4 बिलाइआव)

आसामआव कभिडजों सुबुंफोरनि जिउ ख'हा जानाया सा 816 राइज्योयाव 28,385 एक्टिभ केस दड: मन्थि हिमन्त

गुवाहाटी, 12 अक्ट'बर: भारत
हादतआव थांनय माखासे
दाननिफ्रायनो गिथावनायै
सारलोबसारनाय कभिड-19 जों
सन्देजानाय सुबुंफोरनिखुइ मोजां
हालोदआव फेनाय सुबुंनि
अन्जिमाया बांसिन जानायखौ
थांनय सान 3 सोनिफ्राय मिथिनो
मोन्दों। हादतनि सिडव थांनय

गुबुन गुबुन राइज्योफोरजों लोगोसे
आसामआवबो कभिड-19 जों
सन्देजानाय एबा भुगिनांनय
सुबुंफोरनि अन्जिमाया सानफा-
एफा बारायबाय थांनयखौ नुनो
मोन्नायजों लोगोसे दासान्दि
कभिडजों जिउ ख'हा जानायखौ
सुबुंनि अन्जिमायाबो बारायबाय
थादों। दिने आसाम सरकारनि देहा

बिफाननि मन्थि हिमन्त बिश्व
शर्माया टुइटारनि गेजेरजों
मिथिहोनाय बायदिल्ला थांनय 24
घन्टानि गेजेराव गुबुन सा 5
सुबुंफोरा जिउ ख'हा जानायजों
लोगोसे गुबुन सा 396 सुबुंफोरनि
देहायाव गोदान केसखौ मोन्थो
हादों। राइज्योयाव गुबुन सा 5
(□ 4 बिलाइआव)

फकिराग्राम अर खामनाय जाथायथिलियाव आसाम बिजेपिनि आफादिगिरि रन्जित दासआ नायगिदिहैदों

कक्राझार, 12 अक्ट'बर: कक्राझार जिल्लानि सिडव
थानाय फकिराग्राम हाथाय सालियाव थांनय शनिबार
हराव गिखंथाव महरनि अर खामनाय जाथायथिलियाव
दिने आसाम बिजेपिनि आफादिगिरि रन्जित कुमार दासआ
दावबायहैनानै थासारिनि सायाव खौरां लाहैदों।
जाथायथिलियाव (□ 5 बिलाइआव)



चभ 'लिन®
एन्टिसेप्टिक क्रीम
आरो
इमलियेन्ट

आरो गोजों आरो गुरै बिगुरनि थाखाय

सुजुगिरिनि खोलोम

गोगो आबहावायासो गोगो देहा लाखियो

आथिखालाव भुम बिखानि बारहावाया जॉनि थासारीखौ गुबुले खालामनो हमनाइनि गुदिआवनो दडे- हाग्रा बंग्रा जोबसांगनाय, दैमा दैसा-बिलो हाखरफ्राव गोगो आबु दै थानो मोने, जेसाव-गोफोन, सोबोर जोथोरजॉं थोन थोन बुबोनो हमनायानो दानि बे हालोद।

5 जुन, अक्ट'बर भुमनाइने बोसोरफरोमबो गोगो आबहावा लाखिनायनि सान हिसाबै फालिनाय जायो। जॉनि हादरआवबो बे सानखौ गोनांथि होनाने फालियो नाथाय बेसेबां ऑथिगोनां आरो सांग्रांथि लाबोनानै बे फारिथाया जाफुंसारनो मोनो बेनि सायावसो सोनारो जॉनि गोसो आबहावा लाखिनायनि हाबाफारिया।

गुबननिखौ दोन- जॉनि ओनसोल, बियाबआवनो गुबुले आबहावा सोमजिनाइनि थाखाय आथिखालाव बाइदिसिना मिथिंगायारी अलखद नुजाथिफैदों। मिथिंगायारी बारहावाया गोगो जायैयानो जॉनि थासारीनि आबहावायाबो जोबोरैने गुबुले जाबोनो लामा लादों। जॉनि सोरगिदिं थानाय रोजोब हाग्रा-बंग्रा, बिफां लाइफाडा लांदां जानानै फेनायाव अखा बांखा हाबांलिया, एखनब्ला अवथिरा बाना एखनब्ला खरां बोथोर जानो हमबाय, कल कारखाना, मतर गाडीनि उखुदुं, सोदोबफ्रा सानफा एफा बांबोनो महनायनि जाउनाव ओनसोलाव गोगो बारहावाया गुबुले जाबोनो लानायाव जॉनि सोरगिदिं थानाय आबहावाया गात्रि महरै बिष गोनां जानो हमदों। बिजाउनाव लोमजा-साजा, बेराम आजार बांबोनो हमदों।

बेफोरनि अनगायैबो जॉं सानफ्रोमबो बाहायफलेग्रा प्लास्टिक हारिनि मना, टड बाहायखोन्दाफ्राबो हेफाजाव होदों। बेफोर बेसादजोंबो जॉनि ओनसोला गुबुले आबहावानि मोगा मोगि जानादों। गोगो देहा लाखिनायाव गुबुले बार, गुबुले दैया जेरै -खहा गोनां बिबिन्दो सोदोमआबो जोबोरै बिष गोनां खहा खालामो। जॉनि सोरगिदिं कल कारखानानिफ्राय ऑंखरानाय सोदोब उखउन्दैफ्रा सुबुं देहानि थाखाय जोबोरैने खहा गोनां आबहावा।

बे गोगो आबहावा सान फालिनाइजों लोब्बा लाखिनानै ओनसोलनि बार, दै, हबा जेरावबो गगो आरो थाजिम आबहावा लाखिनो मिथिंगायारी दाथायखौ अराय सोमखोरै लाखिनो नाजानांगोन।

बेखायनो मिथिंगायारी बारहावाखौ गोजों लाखिनो जॉनि सोरगिदिं बिफां-लाइफां गायफबनानै दाखोर लादा स्रां खालामनो हायोब्ला आबहावायाबो गोगो जागोन।

दिनेनि फानजामुधि

राशि बाइदिये मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेघ:** माबा मोनसे खामानिखौ लानानै दावबायनानो हागौ। गोजोनै दावबायनो हागोन।
- वृष:** जेरैबो गोजोनै थानो हागोन। जेनाफोरा जोबसांगोन। फारफ्रोमबो जौगाखांगोन।
- मिथुन:** बायदिसिना जाथायफोरखौ लानानै गिखांनय मोनगोन। गोसोखौ लोरबां खालामनो नाडा।
- कर्कट:** रावजोंबो जेना-जेसि गैयै गोजोनै थानो हागोन। फारफ्रोमआवबो जौगाखांगोन हागोन।
- सिंह:** जेखि माबा फालांगिआव मुलाम्फा मोनो हागौ। रांखावरि बुधुमनानै लानो हागोन।
- कन्या:** खामानि-दामानि मावनांनानै नो दिनखौ बारहोहरनांगोन। गोसो हमथा।
- तुला:** माखौबा लानानै जिंजा सिनांनो हागौ। गोसोखौ गोजोन मोननय नडा।
- वृश्चक:** सास्थियै नख 'र दानो हागोन। जेरैबो मुलाम्फा खालामनो हागोन। दिनेनि सानआ मोजों।
- धनु:** नख 'रनि जेनाफोरखौ लानानै गिखांनो हागौ। रांखावरि आखायाव थायै जागोन।
- मर्कर:** सोरजोंबा बायदिसिना होन्नानै निन्दा होजानो हागौ। गात्रि मोनलायनाय जानो हागौ।
- कुम्भ:** फालांगिआव रांखावरिनि आय जागोन। गोजोनै फालांगि खालामनो हागोन।
- मीन:** जेखि जाया मोजों हाबा मावनांनै लानो हागोन। नख 'र संसारा जौगाखांगोन हागौ।

जानो गोनां BKWAC: बेनि सिमना आरो खुंथाय

बिसावराय

डु सुबुंसा मोसाहारि

जुरिनय: 2014 माइथायाव बै समसिम 'र'नि एमपि जानानै थानाय सानसुमा खुंगुर बैसोमुथियारि बिथाडा मिरु सरकारनो गांसे सादिलाइ गथायदोंमोन। बेव गुबुन गुबुन खोथाफोरजों लोमोसे आथिखाल बड'लेण्ड (बिटिएडि)नि बाइहयाव थानाय 'र'फोरनि खोथाखौबो सानांगौ दड आरो बिसोरनि थाखायबो मोनसे रजखान्थि राहा जुनियायै खालामनानै होनायनि गोनांथि दड'होन्नानै बुंनया जादोंमोन।

बे खोथाखौ बिथा खालामनानै उनि जुथाय दानआव बड'लेण्ड (बिटिएडि) नि बाइहयाव रइजो जाबाय थानाय 'र' फिसाफोरा 'ज' जानानै खौसेथि 'र' सुबुं आफाद (United Bodo Peoples Organisation:UBPO) खौ दानानै लादोंमोन जनाइ जिल्लानि सानजारि नोगोर (चिमेनसापरि) आव जथुमनानै।

सानखांगिरि (Ideologue) सानसुमा खुंगुर बैसोमुथियारि सादिनाय बादिनो बे गोदान गौथुमआ बड'लेण्ड (बिटिएडि) नि बाइहयाव गोगलैनाय आसामनि गुबुन गुबुन जिल्लायाव रइजो जानाय 'र' फिसाफोरनि थाखायबो जुनियायै Boro Kachari Autonomous Council दानानै होनांगौ होन्नानै सादिदोंमोन।

दावगाहोनाय: 2016 माइथायनि 1 जानुवारीखालि बै समनि गिबि मन्थि तरुन गौ बिथाडा बोसोर गोदाननि रदाब जथुम खुंदोंमोन। बे हाबाफारिआवनो बिथाडा गुबुन गुबुन खोथाफोरजों लोमोसे बड'लेण्ड (बिटिएडि) बियाबनि बाइहयाव गोलैनाय आसामनि गुबुन जिल्लाफोराव रइजो जानाय 'र' फिसाफोरनो रैखाथि राहा होनाय महरै Boro Kachari Autonomous Council दानानै होनाय जागोन होन्नानै बुंदोंमोन।

गेजेराव बोहैथि माइथायनि गिबि दानआव (27 जानुवारी) गोजोन गोरोबथा जाब्ला दफा-5.1 आव Provisions for Bodos outside BTAD खर'सा सिरिजों लिस्दोंमोन-“5.1 Government of Assam shall set up a Bodo-Kachari Welfare Council for focussed development of Bodo Villages outside BTAD in the line of other existing Councils before notifying areas to be included in the proposed Bodo-Kachari Council.” दा थानाय 7 अक्ट'बरखालि जनाय आसाम केबिनेटनि जथुमआव 'र'-कसारि वेलफेयार अटनमास काउन्सिल दानायनि थांखिखौ गनायनानै लानाय जाबाय। दा जोडे मिजिथिनो हायो मा फेगौ हाथाइ खुनसेसो समनि गेजेरावनो आसाम सरकारआ गांसे नटिफिकेसन होनानै

थांखिनाय 'र'-कसारि वेलफेयार अटनमास काउन्सिलखौ खान्थि बादिथै दाफुंनानै होसिगोन। जोडे एथ 'दिन हास्थायबोनाया मोखथां महर मोनसिगोन। बेखेवसारनाय:-

आसाम सरकारजों गोरोबना थानानै थांखिजानाय बिकेडब्लिउएसिखौ खुंनो जान्जि खाफ्रानानै इडबिपिअनि बिबानगिरि/सोद्रोमा बिथांमोनहा थांनय 9 सेप्टेम्बरखालि गुवाहाटीनि शंकरदेब कलाक्षेत्रआव खुंनय हाबाफारिआव बिजेपि रजखान्थि हान्जायाव हाबबाय। मिरु आरो आसाम मोननैखौबो दासान्दि खुंनय थानाय बिजेपि रजखान्थि हान्जाजोंनो थाफानानै दानानै होनो गोनां बिकेडब्लिउएसिखौ खुंनो सिगांनय।

बेखौनो दा-दा नुहरोनो मोन्नाय जाबायदि नटिफिकेसन ओंखरानायनि उनाव इन्टेरिम बिकेडब्लिउएसि दानाय जायोब्ला सिगांनि इडबिपिअनि बिबानगिरि बिथांमोनहानो बिबानखौ मोनजोबसिगोन। बिथांमोनहानो बड'लेण्ड बाइहयाव 'र'फोरखौ खुंनो मोनगोन।

बेनि उनाव सिगां बिटिसि बिसायख'थि आरो आसाम आइ-आफाद बिसायख'थि मोननैआ जानानै थांखांब्ला बिकेडब्लिउएसि नि गिबि बिसायख'थिखौ खुंनानै होगोन। अब्लानिफ्रायसो बड'लेण्ड बियाबनि बाइहयाव थानाय 'र' फिसाफोरनि रैखाथि राहा बिकेडब्लिउएसि आ गोजोर जानानै फेगोन। बिथांमोनहाबो गावखुंथाय मोनो हानाय जागोन। बुफुसारनाय:-

नाथाय जोडे दा खोनानाय बादिब्ला, गोजोनि खोथाफोर गासिबो बिफां सायाव मोफौ हायाव बाहागो होन्नाय बादिसो जाजोबनो नागिरबाय। जों सान्नाय बादि जाजोबनायदि नडा बेखौ जोडे हमनो हाहांखाबाय दानिफ्रायनो।

बिजेपिआ इडबिपिअनि दैदेनगिरि बिथांमोनखौ जेखाइआव सोनो हाबाय। बेयो दा गोसोबादिसो गासैखौबो खालामसिगोन। 'र' फिसाफोरनि गाहामनि थाखायल' सानाब्लानो आसाम सरकारनि गाहाम जानायबादिसो खालामसिगोन गासिखौबो।

बिटिसि बिसायख'थिखौ दा जेरै दिन्दां खालामनानै दोन्दों बेबादिनो खालामगोन बिजेपि रजखान्थि हान्जाया। केबिनेटआ पास खालामबायब्लाबो बिकेडब्लिउएसि दानायनि नटिफिकेसनखौनो होथ 'थाबो जानो हागौ। जोखौ खुंथाय गोहोआव फज'फिनाब्ला जों मावनांनै होया होन्नाय बादि खालामगोन जेरै 2016 आव कंग्रेसआ खालामदोंमोन।

दाजाबनाय:- बुंनो थाडेब्ला दानिफ्रायनो बेबादिखौ जाहानो हमनाय नुनो मोनखाबाय। खोनानो मोन्नाय बादिब्ला, इन्टेरिम-बिकेडब्लिउएसि जायोब्ला गोहोगोरा मन्थि डु हिमन्त बिस्व शर्मा बिथाडा गावनि लोमो 'र' एमपि सासेखौसो सिफ बिबानआव फज'हैगोन।

दाबादिवाव बेनो जामारबायोब्ला बिकेडब्लिउएसि

दानायनि सान्थो आरो थांखियानो फेलें जानानै फेगोन। मोनसे बियाबनि सुबुंफोरनो गावखुंथाय होनो सिगांदों जेब्ला बेनि खुंगिरिआ बै बियाबनि सुबुंफोरनि गेजेरनिफ्रायनो जानांगोन। मानो होनोब्ला बै बियाबनि सुबुं, बिसोरनि जेडा-जेना, गोनांथिफोरखौ जायगानि मानसियासो मिथियो। थास्लिबनाय:-

जोडे हास्थायदोंमोन मा बिटिआरआ सिगां जानानै फेगोथोंसे, उनाव बिकेडब्लिउएसिआ जायोब्ला बेव बिटिआरआव गोगलैयै 'र' गामिमनिखौ सोजोबनानै लानो हायो। मानो होनोब्ला सिमनाया सान्जाहा बारायनानै सनितपुर आरो बिस्वनाथ जिल्ला दरनैनि 'र' गामिफोरा बिटिआरआव हाबफानायनि खोथा दड।

दाबादिवाव बिकेडब्लिउएसि दानायनि नटिफिकेसनखौ होयोब्लाबो इन्टेरिम-बिकेडब्लिउएसिखौ दाथ'नाय नडा। सिगां 1993 माइथायाव बिपिसि गोरोबथा जाब्ला फेबुवारीनिफ्राय मे दानसिमखौ ओरैने बारग'होदोंमोन। 2003 नि बिटिसि गोरोबथानि बेलायावबो बेनो जादोंमोन-उनि डिसेम्बरआवसो गेजेर खलब बिटिसिखौ दानानै होदोंमोन।

बिकेडब्लिउएसिनि बिसायख'थिखौथ' खुंथायाबो जानो हागौ। गोरोबथा जाखानायनि उनावबो बिपिसि बिसायख'थिखौनो खुंखायाखिसै, बिटिसिसो जाफेलायलादों। बेबादिनो राभा हासं, मिंसिं, देउरि, थेडाल, सनवाल आरि काउन्सिलफोरनि बिसायख'थिखौ जिथाइ मोनसे बारहोनायनि उनावसो खुंदों। बिकेडब्लिउएसिनिखौ खुंमारब्ला गोमोनांगौ जेबो थानाय नडा। बेनिखायनो जोडे बयबो दानिफ्रायनो सांग्रां जानानै थाखांनगौ। उन नुथाय:-

दा जोडे हास्थायदों मा सनितपुर आरो बिस्वनाथ जिल्ला दरनैनि 'र' गामिफोरा जानो गोनां बिकेडब्लिउएसिआव हाबथ'नो नाडा, बिटिआरनि सिमनाखौ कमिसनआ थि खालामनानै होनायनि उनावसो बेव हाबनो मोनै गामिफोरा बिकेडब्लिउएसिआव हाबनांगौ।

बेफोर गोसिबो फारिगोनाडै जानानै थानाय सिगांनो गोबां माबा-माबि जालांगोनोसै। गोदो उत्तरखन्ड, झारखन्ड, छत्तिसगड राइज्यो दानानै होब्लाबो गिबि मन्थिखौ बाइहयावलादों। हरजोबदोंमोन बिजेपिआ। बिकेडब्लिउएसिआवबो एमपिखौ हरोब्ला गोमोनांगौ गैया।

बिबारआव बाब्लासो बिकेडब्लिउएसिखौ होगोन होन्नायाव दोलै-नोगोरै बिजेपिआव हाबजोब्याय इडबिपिअनि दैदेनगिरि/सोद्रोमाफोरा। दा सौलु सिखांदों गोसोआव-इडबिपिआ थगोन न थाला! आनिब्ला जायफोरा गावखुंथायखौ खुंनगौ बिसोरल' बिजेपिआव हाबनांनै गुबुनफोरा इडबिपिअखौ लाखिनांगौ। मानो होनोब्ला इडबिपिअआ बिपमएफ, बिप्लिटि, एनडिएफबि बादि हा-सिनि आफाद नडा, एबसु, बिपिएसि, पिजेएसिबिएम बादि राइजो-राजानि आफादसो।

करना भाइरासजों ब्राजिलाव गात्रि थासारि, दासिमाव सा 150,500 सुबुंफोर थैबाय



गोदान दिल्ली, 12 अक्ट'बर : ब्राजिलआव थांनय 24 घन्टानि समाव मुलुगुयारि महामारि करना भाइरासजों सा 290 इनफेक्सन बरामिफोर थैनायनि उनाव हादतआव करनाजों थैनायफोरनि अन्जिमाआ रबिबारखालि 1 खावसे लाखनि बारो। सावसि बिफाननि फासेनिफ्राय फोसावनाय गोदान अन्जिमनि बाइदिव्ला, हादतआव दासिमाव सा 150,488 सुबुंफोरा करना भाइरासजों इनफेक्सन जानायनि जाहोनाव थैयो आरो थांनय 24 घन्टानि गेजेराव करनानि सा 12,345 गोदान केस मोननायनि उनाव इनफेक्सननि अन्जिमाया 50 लाख 94 रोजा 9862 जाहैयो।

मख'नो गोनांदि, ब्राजिलआ करना भाइरासजों बयनिखुइ बांसिनै गोहोम गोसलैनाय नैथि हादत आरो गिगिसिना नाम्बाराव दड अमेरिका, जेराव 2 लाखनिखुइ बांसिन सुबुंफोरा करनानि जाहोनाव थैखांनय। बेराफासै बे फारिलाइनि थामथि नाम्बाराव दड भारत, जेराव दासिमाव 1 लाखनिखुइ बांसिन सुबुंफोरा करना भाइरासनि जाहोनाव थैखांनय। बे दर 3 हादतफोराव करनाजों गासै 5 लाख सुबुंफोर थैखांनय। हादतआव आथिखालाव थांनय माखासे साननि गेजेराव करनानि गोदान के आरो थैनायफोराव दावखलायनाय नुनो मोन्नाय जादों। सुलुडव फोरमायनाय बायदिव्ला ब्राजिलनि राजथवनि रिय डे जेनेरियनि सामलायगिरि गभर्नर फ्लाउडिय कास्त्रआबो करनाजों इनफेक्सन जादों, जायखौ लाफनानै हादतआव दासिमाव सा 16 गभर्नरफोरा बे इनफेक्सननि खैफोदआव गोलैहोबाय।

दर 22 हादतफोरआव 58 जौखोन्दो आइजोफोरा अनलाइन इनाय-अनागारजों भुगिनांदों

गोदान दिल्ली, 12 अक्ट'बर : मुलुगुनाडै साइबर क्राइमआ बांसासिनो। अनलाइनआव थगायनाय आरो ब्लेकमेलिं खालामनायनि खौरोंआ सानफ्रोमबो सोरांआव फेयो। थांनय मे दानव गुरुग्रामनि सासे सिख्लानि फटखौ इन्सटाग्रामआव सेयार खालामनानै बिखौ इनाय-अनागार खालामनायनि बाथाया सोरांआव फेदों। पस्ट भाइरेल जानानै सिख्लाया 11 थाला बिबिडं गोजोनिफ्राय बाबुमनानै थैयो। बावैसो सिगांनि मोनसे ग्लबेल साभेनि बादिब्ला, मुलुगुनि दर 22 हादतफोरनि 58 जौखोन्दो हिन्जावसाफोरा अनलाइन इनाय-अनागार आरो गात्रि राव बाहायनायजों मोगा-मोगि जानादों। साइबर सिक्युरिटी एक्सपर्ट ललित मिश्रानि बादिब्ला, ससियेल मिडियानि प्राइबेसि सेटिनि गेजेरजों अनलाइन इनाय-अनागार जानानायनिफ्राय रैखाथि मोनो हायो। जेसेबां ससियेल' मिडियाखौ जों बाहायो बेनि सेटिनिफ्राय जों आपटेट जाना थांनांगौ। ललित मिश्रानि बादिब्ला, ससियेल मिडिया आरो इ मेलनि गासैबो प्लेटफर्म जायखौ जों बाहायो बेनि प्राइबेसि एबा सेप्टि सेटिजों गावखौनो गाव आपटेट खालामनांगौ। गासैबो ससियेल मिडिया प्लेटफर्मआव एप्रुब खालामनायनि आपसन होनाय दंखायो। बेनिखायनो सोरबा सिनाय मोनै जायखि जाया इउजारनि मेसेजखौ एप्रुब खालामनो नाडा। इउटुबआवबो सोलोंथायनि आयदानि बिडिअ होन्नानै निकेट बिडियखौ आपलड खालामो। बेखौ होबथानो थाखाय इउटुबआ एआइ टेकनिकनि हेफाजाव लानांगौ। मिश्रीया बुंवावदों आइटी एक्टनि सेक्सन 67 ए आरो 67 बि नि गेजेरजों जेना गोनां सुबुंफोरनि हेंथायै केस थिसनो हायो।

टूलिनिफ्राय रैखाथि मोननो थाखाय दैख्य आरो सांग्रांथि लाखिनांगौ। बेफोरनि उनावबो एव्युज आरो ब्लेकमेल खालामोब्ला एबा हुमखि होजायोब्ला नेसनेल साइबर क्राइम रिपोर्ट पर्टालआव अजद थिसनो हायो। बेयो भारत सरकारनि मोनसे पर्टाल, जाय बेबायदि दायफोरखौ सामलायनो थाखाय बानायनाय जादों।

स्टेट अफ दा वर्ल्ड गार्ल्स रिपोर्ट साभेनि अन्जिमा बादिब्ला, भारत, ब्राजिल, स्पेइन, अस्ट्रेलिया, जापान, थाइलेन्ड आरो अमेरिकाजों लोमोसे दर 22 हादतफरनि 58 जौखोन्दो आइजोफोरा फोरमायदोंदि, बिसोरो ससियेल मिडिया जेरै फेसबुक, इन्सटाग्राम, टुइटर, वाटसएफ, टिकटक बायदिवाव जेना गोनां आबु दिन्थिनाय आरो गात्रि सोदोब बाहायनायजों मोगा-मोगि जानाडे। रिपोर्टनि बादिब्ला, 47 जौखोन्दो आइजोफोरा जिनाहारनि हुमखि मोन्दों आरो 59 जौखोन्दो आइजोफोरा गात्रि बाथा आरो अफमान गोनां बाथाजों मोगा-मोगि जानादों। साभेनि बादिब्ला, इनाय अनगार खालामग्रा सुबुंफोरा बांसिनानो सिनायमोनै। 21 जौखोन्दो आइजोफोरा गावनि लोमोफोरनि इनाय अनगार खालामनायजों मोगा-मोगि जानाडे। 23 जौखोन्दो आइजोफोरखौ अनलाइन इनाय-अनागार खालामनाय सुबुंफोरा बनि कलेज आरो अफिसनिनो आरो 36 जौखोन्दोआ सिनायमोनै सुबुंफोर। साभैयाव मोन्नाय बादिब्ला, अभाअरल 32 जौखोन्दो आइजोफोरखौ फेक साइडीजों इनाय-अनागार खालामो। जायनि जाहोनाव 42 जौखोन्दो आइजोफोरा जिंजा सिनायजों भुगिनांदों।

लिबियाआव खावनानै लांनय सा 7 भारतीयफोरखौ उदां खालामनाय जाबाय

गोदान दिल्ली, 12 अक्ट'बर सेप्टेम्बरआव लिबियानि लिबियाआव खावना लांनय अशरीफआ खावना लांदोंमोन, सा 7 भारतीय नोगोरारिफोरखौ बिसोरो अन्ध प्रदेश, बिहार, उदां खालामनाय जाबाय। गुजरात आरो उत्तर प्रदेश टिउनिसियाआव भारतनि थान्दैआ बे बाथानि खौरांखौ होदों। लिबियाआव भारतनि थान्दै मख'नो गोनांदि, जाय सा 7 मावख' गैया। टिउनिसियाआव भारतीयफोरखौ थांनय 14 थानाय भारतीय निशनायनो

लिबियाआव भारतीयफोरनि भारतीय नोगोरारिफोरखौ थाखाय हाबाफारि मावो। रैखाथि होनो नाजादोंमोन। टिउनिसियाव थानाय थान्दै बियो बुंदोंमोनदि खावनानै लांग्राफोरजों सोमोन्दो लानाय जादों आरो फोरमान महरै भारतीय नोगोरारिफोरनि केसखौ सामलायो। बेवहाय रैखाथियै थानायखौ थानाय हारिमायारि फसंथानयाबो दिन्थिदों।

भारतआव करनानि केसआ-71 लाख बारबाय, 86 जौखोन्दो सुबुंफोरा गाहाम जाबाय

गोदान दिल्ली, 12 अक्ट 'बर : भारतआव करना भाइरासनि गोदान केसआ जेबायदि गोखेथिजों बारायगासिनो दड, बेनि बांसिनै बेमारिफोरनि गाहाम जानायनि अन्जिमाया बांगासिनो दड। मख 'नो गोनादि, हादतआव करना भाइरासनि गासै केसआ 71 लाख बारबाय। आधिखालाव बिसोरनि गेजेराव 86 जौखोन्दो सुबुंफोरा आबुडै गाहाम जाफिनबाय आरो हादतआव आधिखालाव एक्टिभ केसआ 8 लाख 61 रोजा 853 दबावयो। बेनि गेजेरजों दिने 10 थि सानावबो 1 रोजानिखुइ खम बेरामिफोरा थैदों। भारतआरि देहा फाहामथाइ सदानग्रा आफादिनि बाइदिब्ला थानाय रबिबार खालि हादत नाडे 994,851 नमुनाफोरखौ नाइबिजिरनाय जादों आरो दासिमाव गासै 8.68 कौटि नमुनाफोरखौ नायबिजिरनाय जाखंबाब।

सावसि बिफाननि फार्सेनिफ्राय फुनि 8 रिगायाव फोसावनाय अन्जिमानि



बायदिब्ला, थानाय 24 घन्टानि गेजेराव सा 71,559 बेरामिफोरा गाहाम जायो आरो गाहाम जाफिननाय बेरामिफोरनि अन्जिमाया 61 लाख 9 रोजा 535 जाहैयो। बेजों लोगोसे गाहाम जाफिननाय बेरामिफोरनि अन्जिमाया बारायनाइ 86.36 जौखोन्दोसिम सौहैयो। बेरामिफोरनि सा 66,732 गोदान केसजों लोगोसे गासै इनफेक्सननि अन्जिमाया 71 लाख 20 रोजा 539 जाहैयो। बे समाव सा 816 थैनायजों लोगोसे बे महामारिजों थैनायफोरनि अन्जिमाया 1.09 लाख जाहैयो। आधिखालाव थैनायनि बिबाड दावखलायनाइ 1.53 जौखोन्दोयाव सौफैबाय।


मनरेगानि थांखिखौ बांहोनायनि थांखि लादों मिरु सरकारआ



गोदान दिल्ली, 12 अक्ट 'बर : भारतनि सोलिबाय थानाय रांखाथि बोसोरनि थासारिआ बयनिखुइबो बांसिन जेना गोनं जादों। बेबादिनि जाहोनाव मिरुआ महात्मा गान्धी राष्ट्रीय ग्रामीण रोजगार गेरेन्टि यजनानि गेजेरजों गामिफोराव खामानि मोनहोनायनि हाबाफारि मावनो नागिरदों। जेराव सा 5 भारतीयफोरनि गेजेराव सासेनि मुंखो रेजिस्टार खालामनाय जादों। बेनि थांखिया 320 कौटि सानफोरनि खामानिखौ जगाना होनायनि आगुनि रजुनायाव 40 कौटि बांसिन। बे मुलुगनि बयनिखुइबो देरसिन खामानि मोन्यायनि यजना जायखौ करना इनफेक्सन गेजेराव सुबुंफोरनो जगाना होनाय जादों। उत्तर प्रदेशजों लोगोसे गोबां सुबुंफोर थानाय दर 8 राइज्योफोरा मिरुनिफ्राय एमजिअनआरइजिअनि गेजेरजों गोदान हाबाफारि लकेसननि थाखाय आर 'ज गाबदों। माखासे रांखाथि बिगियानगिरिफोरा खामानि गैयैआ बांनय आरो लेबारफोरखौ खम खालामनायनि जाहोनाव फेनो गोनं दानफोराव हादतआ जेनायाव गोलैबावनो हागौ। भारतीय रिजार्भ बैंकनि मौरिक नीति समिति (एनपिसि) आ बुंदों, भारतनि रांखाथि बेबस्थाया बे रांखाथि बोसोराव 9.5 जौखोन्दो खम जानो हागौ। मे दानआव सरकारा पेकेजनि बाहगोनि महराव 1 लाख कौटि रॉसिम बांहोनायनि थाखाय एमजिअनआरइजिअनि बाजेटखौ बांहोदों आरो 40,000 कौटि रांखौ जगाना होदों।

आसाम पुलिसआव थिसन्नायनि गेनाखान्थियाव साब्रै दायनिगिरिफोरखौ ग्रेप्टार खालामबावबाय

गुवाहाटी, 12 अक्ट 'बर : आसामनि पुलिसआव थिसन्नायनि गेनाखान्थियाव थानाय रबिबारखालि आरोबाव साब्रै दायनिगिरिफोरखौ ग्रेप्टार खालामबावबाय। मख 'नो गोनादि, बे केसआव दासिमाव गासै सा 49 दायनिगिरिफोरखौ ग्रेप्टार खालामबावबाय। बेनि सिगां थानाय शनिबारखालि रेलवेनि सानै मावसुमाफोरखौ ग्रेप्टार खालामनायजों लोगोसे बिसोरनिफ्राय 5.37 कौटि रांखौ सिग्रोमनानै मोनखांबाब। बे गेनाखान्थिनि सोमोन्दे खौरां



मोन्नायनि उनाव राइज्योनि आगु डिआइजि पीके दत्ता आरो बिजेपिनि दैदेनगिरि दीवन डे काखौबो ग्रेप्टार

खालामबावबाय जाबाय। गागि पुलिस बिवानगिरिआ बुंनय बायदिब्ला, बे केसखौ नायबिजिरबाय थानाय


सिसाइडिआव आधिखालाव गोदान गोदान बाश्रखौ सोराडव लाबोदों।

सुलुखव फोरमायनाय

बायदिब्ला, राइज्योयाव पुलिस साब इन्स्पेक्टर मासिनि थाखाय खुंनय लिरनाय आन्जादिनि सोंथि बिलाइआ लीग जादोंमोन। बेनि उनाव राइज्योनाडे आन्जाद जागायनायनि दसे समनि उनावनो आन्जादखौ होबथानाय जादोंमोन। राइज्योआव बेखौ मोनसे गिदिर गेनाखान्थि महरै नोजोर होनाय जादों। बेयाव गागि अफिसार फोरजों लोगोसे माखासे दैदेनगिरिफोरनि मुडबो खौराडव नुजाथिदों।

करनानि समाव साखि गोमाजानो गिखांनयजों गोसोआरि बेरामआ बांसिन्दों

गाजियाबाद, 12 अक्ट 'बर : आधिखालनि करनानि थासारियाव साखि गोमाजानांनय आरो फालांगिफोरा बन्द जानायाव सुबुंफोरआ गोसोआरि बेरामफोरजों बांसिनै भुगिनादों। गोसो बिगियानगिरिफोरनि बादिब्ला, थानाय द' दानआव जिगां सिनायनि अन्जिमाया थाम गुन बांदों। सुबुंनि गोसोआरि थासारिया मोजां नडब्ला गुबुन बेराम एवा इनफेक्सनआ साबफादेरनो हागौ। गोसोनि जरखा डा. सन्जीव त्यागीआ फोरमायदोंदि, लकडाउनआव गोसोयारि जेनाजों भुगिनांनय बेरामिफोरनि अन्जिमाया 2-3



गुन बांदों। बेयाव बांसिन बेरामिफोर ओरिबायदि सोरांआव फेदोंदि, जायफोर साखि गोमाजानो गिनाय आरो फालांगिया बन्द जानानै

जिगायाव गोलैनाय। करनानि लकडाउनआव लाइमोनफोर, बैसो जानाय फोरल' नड उन्देफोराबो जिगा सिनायजों भुगिनांनो हमदों, स्कुल,

कलेज, टिउसन बन्द जानानै उन्देफोरा न'आवनो सानफ्रोमबो समखौ बारा' हरनंगौ जादों। बेबायदियाव उन्देफोरा फरायनायनि फारसे गोसो होया आरो गुबुन बिधिफोरारवसो गोसोआ थाडो। थानाय 6 दानआव गावखौ बुथारना लानाय केसआबो बेनिखानो बांदों। जेराव दानसेआव सा 10 फोरल' सुइसाइड जायामोन बियो आधिखालाव 25 जौखोन्दो जादों। बेबायदियाव सुबुंफोरा गोसोआरि नायसिन्नायखौ बाडाइ खालामनो थाखाय गुबुन गुबुन बिजोंजों सानसेमानि समखौ बिजियै हगारहरनंगौ। गाग्रि सानायफोरनिफ्राय जानगार जानाय नख'रनि सुबुं एवा खाथिनि लोगोफोरजों बाश्रा रायज्जालानां गौ, जायजों गोसोआव गोरोरिन्थ

धोरमारि फरायसालिआ उतखारि आफादफोरनि थाखाय थिसन्नायनि खुलि जाबाय

श्रीनगर, 12 अक्ट 'बर : खोला काश्मीरनि शपियां जिल्लानि गंसे धोरमारि फरायसालिआ रैखाथि एजेन्सिफोरनि नोजोराव गोलैबाय। मानोना बे फरायसालिया उतखारि आफादफोराव थिसन्नायनि गाहाय खुलि जाबाय। बेनि गेजेरजों संगालि एजेन्सिफोरा सा 13 फरायसाफोर आरो आगुनि फरायसाफोरनि मोनसे नड मोनसे उतखारि हान्जायाव हाबनायनि सोमोन्दे मिबथिनो मोनबाय। बे फरायसाफोरनि गेजेराव उतखारि सजाइ भटनि मुडबो दंफायो। बियो थानाय बोसोरनि फेब्रुवारीआव पुसबामाआव सिआरपिएफनि गरियाव गोलैबनायाव दंफायोमोन। अदेबानि बे गाम्लोबनायाव सा 40 जवानफोरा मुंखलं जादोंमोन। बिबानगिरिफोरनि बाइदिब्ला, बे फरायसालियाव फरायग्रा खोला काश्मीरनि कुलगाम, पुलवामा आरो अनन्तनाग जिल्लानि बांसिन फरायसाफोर आरो आगुनि फरायसाफोर उतखारि आफादआ गावसोरनि हान्जायाव थिसनो। उत्तर प्रदेश, केरेला आरो तेलंगानानि माखासे फरायसाफोरबो बे फरायसालियाव मुंथिसनदोंमोन, नाथय थानाय बोसोराव आर्टिकल 370 जोबनारयनि उनाव बे बायदि फरायसाफोरनि अन्जिमाया जौर' जाहैयो।

सुलुनि बायदिब्ला, उतखारि सजाद भटनि मुड फेनायनि उनाव बे केसआव नायबिजिरनाया जागयो। बिसोरनि गेजेराव बे लिस्टआव बेबायदि सा 13 फरायसा आरो आगुनि फरायसाफोरनि मुड दड। गोबां अन्जिमानि बेबायदि अजि डब्लिउएस दड, जायफोरा बे आफादिनि फरायसा एवा आगुनि फरायसाफोर। बिसोरनि गोबाडनो उतखारि आफादफोरखौ मदत खालामो। बावयैसो समाव बारामुलानि सासे लाइमोनआ बन्दनि उनाव गावनि न'निफ्राय स्कुलाव थानाय समाव गोमादोंमोन। रिपर्टनि बाइदिब्ला, बे सा 13 उतखारिफोरनि गेजेराव बांसिनानो शपियां आरो पुलवामानि थागिबि। बे बोसोरनि आगस्टआव होबथा जानाय अल-बद्र उतखारि आफादिनि कामान्दार जुबेर नेंगुआबो बे फरायसालिनिमोन। बिसोरनि अनगायैबो हिजबुल मुजाहिदीनि उतखारि नाजिम नजीर डार आरो एजाब आहदम पलआबो दंफायो, जायफोरखौ सपियांआव थानाय 4 आगस्ट खालि जानाय मोनसे गावलायनायाव रैखाथि हान्जाफोरा गावथारदोंमोन।

मदि सरकारआ 15 सानआव 38 लाख टन माइ बायदों

गोदान दिल्ली, 12 अक्ट 'बर : मिरु सरकारआ बुंदोंदि, थानाय 15 सानफोरआव एमएसपिआव 37.92 लाख टन खारिफ माय बायदों। बे मायखौ 3.22 लाख आबादारिफोरनिफ्राय बायदों, जायनि बेसेनआ 7,159.39 कौटि रां। बे बोसोरआव 26 सेप्टेम्बरनिफ्राय पाञ्जाव आरो हरि यानायाव माय बायजेन्दोंमोन आरो गुबुन राइज्योफोराव अक्ट 'बर आबवसो माय बायनो जागायदों। मिरु सरकारआ सोलिफु बोसोरनि थाखाय सरासन्सा ग्रेडनि मायनि एमएसपिआ मोनफ्रोम कुइन्टलयाव 1,868 रां आरो

ए ग्रेड 1,888 रां थि खालामना होदों। सरकार भारतीय कपास निगम (सिसिआइ) आ सोलिफु बोसोरआव 10 अक्ट 'बरसिमाव 5,252 आबादारि फोरनिफ्राय 7,545 लाख रांनि एमएसपि बेसेनआव 24,863 खुन बायदों। बेनि अनगायै मडेल एजेन्सिफोरनि गेजेरजों सरकारआ बेसेनखौ गनायथि होनाय यजनानि गेजेरजों एमएसपिआव दालिफोर आरो सिबिं बेगर बायगासिनो। बेनि गेजेरजों 10 अक्ट 'बरसिमाव हरियाणा आरो तामिलनाडुआव सा 326 आबादारिफोरनिफ्राय 3.33 कौटि रांनि एमएसपि बेसेनै 459.60 टन मुग दालि बायनाय जादों।

भारतआव सलार एनार्जि दिहुनाया 30 जौखोन्दो बांदों



गोदान दिल्ली, 12 अक्ट 'बर : मुलुगनाडे आवहावा गुबुले जानाया खैफोद गोनं थाखोसिम सौहैबाय। आधिखालाव आवहावा गुबुले जानायाखौ सामलायाब्ला इयुनयाव बेयो खैफोद गोनं गाग्रिसिन जानो हागौ। भारतआव सलार एनार्जि दिहुनाया 30 जौखोन्दो बांदों। 2020 याव मुलुगायारि थाखोयाव मोब्लिब गोहोनि दिहुन्थाया सरासन्सा महरै खम जादों। बेनि उनाव माखासे जाहोनाफोर दं जेराव कथिड-19 इनफेक्सनजों लोगोसेनो अक्षय उर्जानि फुंखा बादि पवन आरो सलार एनार्जि बांनयाबो दंफा देरो। मुलुगायारि थाखोयाव सलार आरो पवन एनार्जिजों मोब्लिब गोहो दिहुनाया 19 आरो 11 जौखोन्दो बांदों। मुलुगनि गिदिर गिदिर हादतफोराव अक्षय उर्जानि फुंखाखौ लानानै गोबां हाबाफारि मावनाय जादों। चीन, रूस आरो आमेरिकायाव पवन आरो सलार एनार्जि बांनयाखौ रेकर्ड खालामनाय जादों। रूसयाव सलार एनार्जियाव 55 जौखोन्दो आरो पवन उर्जायाव 236 जौखोन्दो बांनयाखौ रेकर्ड खालामनाय जादों।

अन्ध्र प्रदेश, केरेला आरो कर्नाटकयाव गोबां अखा हानायनि सांग्रांथि होदों

गोदान दिल्ली, 12 अक्ट 'बर : सोनाब बंगनि बंगप लैथोमानि सायाव खम नारसिनथाया सोमजिखादों, जायजों बारहुंखा बारनो हागौ। बेखौ लानानै सांग्रांथिखौ फोसावनाय जादों। बोथोर बिफाननिफ्राय फोसावनाय अल इन्डिया बोथोर बुलेटिनयाव मोनसे खम नारसिनथाया सोनाब बंगनि बंगप लैथोमानि सायाव सोमजिखादों। बेयो सोनाब आरो सा सोनाब दिगर्थिजाय आवगय लांगासिनो दं। बेबादिनि जाहोनाव सा अन्ध्र प्रदेशनि बोरीमा ओन्सोल, तेलंगाना, केरेला आरो सा कर्नाटकआव अखा हानो हागौ। तेलंगानानि गिबि मन्थ्रि मावख निफ्राय फोरमायदोंदि, राइज्योनि माखासे ओन्सोलाव रबिबाराव गोबां अखा हादों, जायनि जाहोनाव जाब्रबथाय जानायाव सानै आइजोफोरा जिउ गोमादों आरो सा 3 सुबुंफोरा जोखोम जादों। गिबि मन्थ्रि के



चन्द्रशेखर रावया सुबुंफोरनाव सांग्रांथियै थानो आर 'ज गाबदों। सरासन्सा महरै खोला भारतनि राइज्योफोरनिफ्राय 15 अक्ट 'बरसिमाव मौसुमि बोथोरा थांफिनो। स्काइमेट उड्डारया गावनि रिपर्टयाव बुंदों, 12 अक्ट 'बरनि बेलासियाव मौसुमि बोथोरा। अन्ध्र प्रेदशनि बोरीमासिम सौहैगोन। बेबादिनि जाहोनाव अन्ध्र प्रदेशनि बोरीमा बाहागो, सा-बोरीमा तामिलनाडुनि ओन्सोल आरो होदों।

असम लोकसेवा आयोग
ASSAM PUBLIC SERVICE COMMISSION
Jawaharnagar, Khanapara, Guwahati-781022

No.8PSC/CON/Exam-20/2020-2021

PRESS RELEASE

RECRUITMENT TO THE POST OF LECTURER, WORK EXPERIENCE (W.E.) IN D.I.E.T. UNDER ELEMENTARY EDUCATION DEPARTMENT
(vide advertisement number 13/2017 dated 22/11/2017)

Number of posts: 12 Nos. (OC: 6 RFW: 2, OBC/MOBC: 3 RFW-1, STP-1, SC-1, STH:1)

The viva voce interviews for the said post were conducted by the Interview Boards on 8th, 9th & 12th October, 2020 constituted for the purpose and assisted by experts/advisers. The Commission completed the process of selection and recommended the following candidates for the said posts, on merit:

Position	Roll No	Name of the candidate	Category	Gender	Vacancy relating to reservation
1.	00125	DR DHANANDA SARMAH	GENL	F	Open Category
2.	00093	LIPIKA DUTTA	OBC	F	Do
3.	00015	REKHA KALITA	GENL	F	Do
4.	00180	PUNA DAS	SC	M	Do
5.	00042	BHUPENESWAR BORA	OBC	M	Do
6.	00176	SANGITA DAS	GENL	F	Do
7.	00147	MANJIT CHETIA	OBC	M	Reserved
8.	00013	CHINMOYEE DAS	SC	F	Do
9.	00182	JUTI MANI SAHARIA	OBC	F	Do
10.	00050	RICHA NAPEN	STH	F	Do
11.	00137	BHAGAWAN DAS	OBC	M	Do
12.	00018	SHIBA RAM NARZARY	STP	M	Do

NB: For details of the results, all concerned may log onto the APSC's website www.apsc.nic.in

Sd/-
Principal Controller of Examinations
Assam Public Service Commission
Khanapara, Guwahati-22

JANASANYOG/D/5672/20

आइपिएलनि मेचखौ राजस्तानआ सोमोनांथावै देरहानो

दुबाइ, 12 अक्ट'बर: दासान्दि हादरनि बाइजोआव सोलिबाय थानाय 13 थि सिजन इन्डियन प्रिमियर लीग सुंद'थै आइपिएलनि गेलेनाया इडएइनि गेलेग्रा फोथारआव सोलिगासिनो दड। गुबुन गुबुन हान्जाफोरनि गेजेराव आइपिएलनि गेलेनाय मेचआ सोलिबाय थानायजों मैया थानाय हरनि समाव मोनसे मेचखौ राजस्तान रयेल्स आरो सानराइजास हाइद्राबादन गेजेराव मोगा-मोगि गेलेयो। नाथाय बे गेलेनाय मेचखौ राजस्तान रयेल्सआ सोमोनांथावै 5 उइके टनि फारागथियाव हाइद्राबाद हान्जानि हेंथायै देरहानो हायो। बे मेचआव सानराइजास हाइद्राबादआ सिगां बेटिं खालामनानै 20 अभाअर मोन 4 उइकेट खोमानानै गासै 158 राननि टागैटखौ खालामनो हादोंमोन। नाथाय बे एसेल' राननि टागैटखौ फिन्नाय होनो थानायव राजस्तान हान्जायाबो गोबां गोब्राजजों गेलेनो गोनां जायो। अदेबानि बे मेचखौ देरहानायनि फासै राजस्तानआ जोबथा समाव गोबां गोब्राज जादोंमोनब्लाबो गेलेगिरि



रहुल तेबतिया आरो आसामनि रियां परागआ सोमोनांथाव गेलेनानै जोबथायाव मेचखौ 5 उइकेटआव देरहानो हायो। रहुलआ 28 बलआव 45 रान आरो रियां परागआ 42 रानखौ खालामनो हादोंमोन। बे मेचआव राजस्ताननि मिजिथिजानाय बेटसमेन जस बटलारआ एसेल' रान खालामनानै थाबैनो आउट जायो। बेनि उनाव अल रउन्डर बेटसमेन बेनस्टकआबो 5 रान खालामनानै हान्जानि मिजिथिखौ फेलें खालामो। बेनि अनगायैबो हान्जानि

गेलेगिरि सन्नु सेम्पसनआ 26 रान आरो रबिन उतापाया 18 रानखौ खालामनो हानानै हान्जानि देरहानायाव एसे बिहोमा होनो हायो। गुबुन फासैथि हाइद्राबादन जानानै मिजिथिजानाय बेटसमेन जनी बे यरस्तआ 16 रानल' खालामनो हानानै आउट जायो। फासैथि केपेन डेभिड वार्नरआ 38 बलआव 48 रानखौ खालामनो हादों। बेजों लोगोसे मनिश पान्डेआबो गावनि गोखौ गेलेनायनि गेजेरजोंबो हाफ सेन्सुरि खालामनो हानायनिफ्राय फेलें जायो।

बेबादिनो सोमोनांथावै मेचखौ देरहानो हानायनि गेजेरजों राजस्तान रयेल्सआ एसे पइन्टखौ आवगायनो हानानै फारिलाइयाव दावखोयो। मख'नो गोनांदि, बेनि सिगां गेलेनाय आइपिएलनि मेचखौ सानराइजास हाइद्राबादआ जेन्नो गोनां जादोंमोन। फारियै मोननै मेचखौ जेन्नानानै दासान्दि केपेन रिटभरिस्मिथआ हान्जानि गेलेनायनि सायाव गोजेनाय गैयै फोस्मायदों। अदेबानि फेगौ मेचखौ गोखौ गेलेनो थाखाय हान्जाया नाजागोन होन्नानै फोरमायदों।

भारतनि फुटबल हान्जानि बाग' केपेन सार्लथन सेपमेनआ रुंसारि जाबाय

गोदान दिल्ली, 12 अक्ट'बर: मोनसे समाव भारतनि फुटबल हान्जाखौ केपेन महरै दैदेनबोनाय बाग' गेलेगिरि सार्लथन सेपमेनआ दिने रुंसारि जाबाय। सुलुनिफ्राय मिबथिनाय बादिल्ला, समबाखरखालि फुनि समाव हरखाब हार्ट एटेक्ट जानायनि जाउनआव बाग' फुटबलारआ जोबथा हां बोयो। बिथांखौ हरखाब जेंना नुजाथिनाय लोगो लोगो देहा फाहामसालिआव लांनाय जादोंमोनब्लाबो नाथाय फाहामगिरिआ थैबाय होन्नानै फोसावो। थैनाय समाव बाग' फुटबलारनि बैसोआ 49 बोसोर जाबायमोन। नख'रनि सोद्रोमाया फोरमायनाय बादिल्ला, रबिबाखरखालि हरनि समाव देहायाव एसे जेंना नुजाथिनाय बाश्राखौ बाग'



फुटबलारआ फोरमायदोंमोन। नाथाय हरखाब गावनि देहायारि जेंनाजों आरो हार्ट एटेक्ट जानायाव दिने फुनि समाव बे बुहुमनिफ्राय आन्त्रायलाडो। बाग' फुटबलारनि रुंसारि जानायखौ भारतनि फुटबल आफादजों लोगोसे गोबां फुटबल गेलेगिरिफोराबो दुखु मोन्नाय फोरमायदों। मख'नो गोनांदि, 1997 माइथायाव खुंजानाय साउथ एसियाय

फुटबल फे डारेसन गलड कापखौ हान्जानि देरहानायाव रुंसारि सेपमेनआ गोनांथार बिफाव लानो हादोंमोन। बेनि सिगां 1993 माइथायाव सेपमेनआ टाटा फुटबल एकाडेमिखौ गायसन्नानै उननि समाव इस्ट बेगल क्लाबजों गेलेनायखौ जागायजेनो। मोनसे समाव कलकतानि क्लाबनि जानानै गेलेनायाव एसियाय

कापआव इराक हान्जानि हेंथायै हेट्रिक गलखौ होनो हानायावबो मुं आर्जिनो हादोंमोन। गुबुन गुबुन क्लाबफोरजों गेलेबोनानै रुंसारि सेपमेनआ मोन 14 फुटबल टूफीखौ देरहानो हानायावबो जाफुंसारदों। हादरनि मिबथिसार जानाय बाग' फुटबलार भाइचु भुटिया, आइएम बिजयानमोनजों लोगोसेयै सेपमेनआ गेलेबोदोंमोन। थानाय 2017 माइथायाव सेपमेनआ कचिआव थानाय क्वाटैज एफसिनि टेक्निकेल बिथोनगिरि महरैबो बिबान सामलायदोंमोन। बेनि अनगायैबो 2011 नि बरदलै टूफीनि देरहानायाव हान्जानि जानानै गोनांथार बिबान लानो हाबोदों।

जयपुरनि प्रिया पुनियाआ टी-20 आइजो क्रिकेट सेलेन्जआव बाहागो लागोन

सन्डिगड, 12 अक्ट'बर: जयपुरनि आइजो क्रिकेटार प्रिया पुनियाआ फेगौ 4 निफ्राय 9 नभेम्बरसिम सोलिबाय थानो गोनां आइजो क्रिकेट टी-20 सेलेन्जआव बाहागो लागोन। इउनाइटेड आरब इमारेट हादरआव खुंनो लानाय बे सेलेन्ज क्रिकेट दुनांमेन्टआव बाहागो लानो थाखाय प्रिया पुनियाआ बिस्सिसिआइनि नोजोरआव सायख'जायो। मिबथिनाय बादिल्ला, मोनथाम हान्जानि गेजेराव सोलिनो गोनां आइजो क्रिकेट टी-20 सेलेन्जआव दासिम गेलेगिरिफोरखौ सायख'नाय जादों। सुपार नभा आइजो क्रिकेट हान्जानि केपेन हरमनप्रीट कौर,

ट्रेभेलास आइजो हान्जानि केपेन स्मृति मन्डना आरो भेलसिटी आइजो हान्जानि केपेन मिटाली राजनि दैदेननायाव दासान्दि टी-20 सेलेन्जआव गेलेनो थाखाय गेलेगिरिफोरखौ सायख'नाय जादों। बेनि गेजेराव प्रिया पुनियाआ बुडोदि, लक डाउननि समाव आं जयपुरआवनो प्रेक्टिस खालामनायखौ फारियै सोलिहोबाय थादों। गावनि सायख'जानायखौ लानानै फेगौ 13 अक्ट'बरखालि मुम्बाइसिम दावबायलांगोन होन्नानै प्रियाआ मिबथिहोयो। गुबुन फासैथि थाइलेण्डनि गेलेगिरि नताकन सन्तमखौ ट्रेभेलास हान्जाया गेलेनो



खाबु होनाय जादों। मख'नो गोनांदि, हरमनप्रीट कौरनि दैदेननायाव सुपार नभास हान्जानि आइजो गेलेगिरिफोरनि मुड फारियै जेमिमा, समारी अतापतु, प्रिया पुनिया, अनुजा पाटिल, रधा, भाटिया, सिरिबन्धे, पुनम, सकेर, रेड्डी, ब्रसकर, आयुशी, अयाबंगा, मुस्कानमोनहानो गाहाय। बेनि

उनाव ट्रेभेलास हान्जाखौ स्मृति मन्डनानि दैदेननायाव गेलेहोनो सायख'जानाय गेलेगिरिफोरनि मुड दिप्टि, पुनम, रिशा, हेमलता, पार्थिन, गाइकवार, हरलिन, शूलन गस्वामी, सिमरन्जित, सलमा काडुन, एलेक्सटन, नताकन, डिन्द्रा खतिन, काश्यबो गौतममोनहानो गाहाय।

रंजालि गथ' फोरनि सौरा

नौनि थाखायनो

रजे नौनि थाखायनो गोजोन गैला आंहा। नौं मानो आंखौ मिथिया नौं मानो आंजों एरा एरा। नौनि बेदि आखलावनो जाबाय आं बोदोर बावलि। रायज्जायनो सानो आं नौजों आंन गोसोनि बाश्राखौ। नाथाय नौदि आंजों एरा एरा आं सानो, आंनि अननायखौ नौनो होनो..... नाथाय नौदि गुमुर होवा। जाबाय आं नौनि थाखायनो दिने असु खुथु उसाव बादाव नाथाय नौं मानो आंखौ मिथिया नौनि बे बायदि आखलाआवनो जाबाय आं दिने फागला नौं मानो बुलिया- नौं मानो मिथिया। जाबाय आं नौनि थाखायनो खराव माराव। खहाबलामानो लौनो नौनि थाखायनो। उन्दुनो ओंखारला नौनि थाखायनो सानबायथासै सान हर। रजेया मानो दुखु नांथाव आखल दिनथियो आं नौनि गोबॉनि अननायखौ अरायबो मोननो लुबैयो। आंनो आंनि अननायखौ सिरि सिरि नौनो होदोंमोन रजे नाथाय नौं आंनो गुमुर होवा गोसोखांसै अराय नौंखौल नौनि हामथायसै अराय नौंखौल नौनि थाखायनो जासै आं एखनवा गोसो खाना मोदैन बाना।

लकनाथ नार्जारी
जिला- कक्राझार

बारसे गेवलाडैबारफुनाय बिबार

आय' बेसे समायना नौनि बे आथुमसे गेवलाडैबारफुनाय महरा समाय होबाय नौं जौनि बे बायदेब देब देराखौ नौनि बे आथुमसे गेवलाडै बारफुनाय महरजों!! मायबा नायबाय थाथावथाव ब'जबबा ब'जबबाय थाथाव-थाव आय' बेसे समायना नौं बारफुनाय बिबार!! नौंखौ नुल्ला गोसो खांडो आं आंनि बै सिमांखौ थारैनो जामारगोन नामा मोकथाडव नौं बायदि समायना आय' बेसे समायना नौनि बे आथुमसे गेवलाडैबारफुनाय महरा गोजोनथों।

जहु ब्रह्म
ला:सो:- कक्राझार
जिला-कक्राझार,बिटिसि,आसाम

आसामआव कभिडजों सुबुंफोरनि जिउ ख'हा जानाया सा 816 जाबाय

(1 बिलाइनिफ्राय) सुबुंफोर जिउ ख'हा जानायजों दासिम सा 816 सिम जाहेबाय। बेजों लोगोसे गोदानै पजिटिभ केसखौ थानाय 24 घन्टानि गेजेराव मोननो हाबावनानै जागायजेनायनिफ्राय लानानै दासिम 1,93,783 जाहेबाय। नाथाय कभिडनि हेंथायै फाहामथाय लानायनि गेजेरजों दासिम 1,64,579 सुबुंफोरा मोजों हालोदयाव फेफिन्नो हादों। अदेबानि आसाम रइज्योयाव कभिडजों सन्देरजानाय दासिम 28,385 एक्टिभ केस दं होन्नानै मन्थि हिमन्त बिश्व शर्माया दुइटरनि गेजेरजों फोरमायदों। मन्थि शर्माया बुडोदि, थानाय 24 घन्टानि गेजेराव सन्देरजानाय आरो जिउ ख'हा जानाय जाथाया नुजाथिनायनि अनगायैबो फाहामथाय लानायनि गेजेरजों सा 1,227 सुबुंफोरा मोजों हालोदयाव फेफिन्नानै गाव-गावनि न' फारसे गिदिलॉफिन्नो हाबाय। मख'नो गोनांदि, आसामआव कभिडजों जिउ ख'हा जानाय गुबुन सा 5 सुबुंफोरनि मुड फारियै नगेन रय (70), पानालाल सेराफ (73), महेन चन्द्र गै (69), समिर बि देब (78) आरो आइनाल हक (34) होन्नानै मिथिनाय जादों।

आगाननि हांख्रानाय

हान्जा हान्जा फे ब'फोर बिमानि फुजायाव बयबो बावफे बिखानि गोथार थैखौ फे जोम-जोम फे ब'फोर बिखा फोर दान, फोरदान फे। आथिखालाव हाजासे नाजानायनि जेन्नाय देरहानाया, अराइ जिउनि थैनाय थानायाबो दै बायदि थास' लाइनि। दागिसै सिलाइ दाहाल शुंग्रि लानायखौ। जिउ गैयै हामामै खुसि जिउयै मिनि खुसियै फे दावहायाव फे जिउयै माहामै देरहानो। जिउनि गाथोन सेराव फेब्ला बोहैलांगोन गाथोनजों जि जि गोजा जारो थैया आगाननि थैया खा खा थालां नांगोन।

कितिस बसुमतारी
करमुरा रनायसी
जिला- बागसा, बि टि सि आसाम।

मिरु एबसुनि थान्दै हान्जाया सोलौंथाय आयदानि सायाव आसाम सरकारनि सोलौंथाय बिफाननि बिबानगिरिफोरजों मेल जथुमदों

(1 बिलाइनिफ्राय) फ्लर ब्लक-एनि कन्फारेन्स हलाव जथुमनाय बे मेलआव आसाम सोलौंथाय बिफाननि प्रिन्सिपाल सेक्रेटारिनि बि कल्यान चक्रवर्तीनि दैदेननायाव गुदि, गोजौं आरो गोजौंसिम सोलौंथाय बिफाननि बिथोनगिरिफोर, कमिसनार आरो नेहाथारि थाखोनि बिबानगिरिफोरनि मोनसे आबु हान्जाजों एबसुनि दैदेनगिरिफोर रइज्योनि गेजेराव थानाय गासै जिल्लानि बर' बिजोंजों लोगोसे गासै बिजोंनि सोलौंथायारि जेनाफोर जैर गुदि फरायसालिनिफ्राय लानानै फरायसालिमा थाखोसिम भेन्सार फरायसालि आरो फरायसालिमाफोसखौ सरकारि खालामनाय, लांदां जानानै थानाय मासिफोरारव नांगो बायदि फोरोंगिरि थिसन्नायखौ लाफनानै सोलौंथायनि गासै जेनाफोरनि सायाव गुवारि सावरायनाय जायो। बावैसो सानफोर सिगां आसाम सरकारा बिटिआर गोरोबथानि 6.3 दफाखौ मावफुंनयाखौ नायनो दानानै होजानाय कमिटिनि सियारमेन आरो सेबानि मासिगिरि आर.सि. जैइन, आसाम गुदि सोलौंथाय बिफाननि कमिसनार आरो सेक्रेटारि प्रिभत सईकिया, बर' आरो गुबुन जनजाति रवनि बिथोनगिरि ममत हाजा लोगोसे सोलौंथाय बिफाननि बिथोनगिरिफोर आरो गोजौं थाखोनि मावख'गिरिफोरनि नुजाथिनायाव सोलौंथाय जेनानि सायाव सावरायनाय बे मेलआ फिथाइ गोनां जादों होन्नानै मिथिनो मोन्नाय जादों। बे सावराय मेलआव आफादगिरि दिपेन बर'जों लोगोसे मिरु एबसुनिफ्राय फारियै बिटिआर गोरोबथानि सागानगिरि एवा मिरु एबसुनि गाहाय नेहाथारि लरेन्स इसलारि, लोगो गाहाय नेहाथारि खोरोमदाव अवारि, सोलौंथाय नेहाथारि कास्टम बसुमतारी, नेहाथारि रतेन्द्र दैमारि आरो लोगो सोलौंथाय नेहाथारि अविबत नार्जारिया बाहागो लादोंमोन।

मख'नाय जायोदि,दुलाराइ बर' फरायसा आफादआ गोबाव बोसोर सिगानिफ्रायनो बर' बिजोंनि सोलौंथाय मान-दान्दाखौ गोजौयाव दैखनो एवा जैगाखोहोनायनि नोजोरजों गुन गोनां सोलौंथाय मावथांखनि सायाव जिरायनाय गैयाजासे खामानि मावबोबाय थादों। बर'फोरनि गुबुन गुबुन जेनाफोरजों लोगोसे सोलौंथाय जेनाखोबो बोसांनयाय थाखाय दुलाराइ बर' फरायसा आफादआ मॅनाय बानाय गैयाजासे खामानि मावबोदों। गोबाव समनिफ्राय दुलाराइ बर' फरायसा आफादनि नाजाबोनाय आरो हास्थायबोनाय बर'फोरनि सोलौंथाय जेना आयदाया बे समाव बिटिआर गोरोबथानि गेजेरजों बोसांनयायनि महर मोनसिगोन। थानाय 27 जानुवारी, 2020 अक्ट'खालि जालानाय बर'फोरनि 3 थि गोजोन गोरोबथा थामहिनबा बिटिआर गोरोबथानि गेजेरजों बर'फोरनि जेनाफोर मोनफा-मोनफा बोसांनयायनि लामायाव फेगासिनो। बिटिआर गोरोबथानि दफा बायदियैनो माखासे दानफोर सिगां आसाम सरकारा बर' बिजोंनि थाखाय आलादा बिथोनगिरिख'खौ बेखेवना होबाय। बेनि अनगायैबो गोरोबथानि दफायाव मख'नाय बायदियै बिटिआरनि सिडवा थानाय आरो बायजोयाव थानाय गासै बर' बिजोंनि भेन्सार फरायसालिफोसखौ सरकारि खालामनाय आरो लांदां जानानै थानाय बर' बिजोंनि फरायसालिफोराव नांगोबादि फोरोंगिरिफोर थिसन्नाय खामानियाबो मावफुंनानो थांगासिनो।

साननि हाबाफारिजों चिलघागरि दालाइ आक्रासुआ जथुम्मा खुंदों

(1 बिलाइनिफ्राय) लांगोनायाव खुंनया जायो। जथुम्मानि हाबाफारि बायदियै फुनि 9.30 रिगानिफ्राय जागायजेनो। फुनिफ्राय जागायजेनाय हाबाफारि बायदियै मुंखलं खामफायाव बिबार बावनाय आरो दफां गाइनायनि उनाव गेवलां मेला खुंजायो। चिरं जिल्ला आक्रासुनि आफादगिरि प्रन्जल चौधुरिनि मासि सामलायनायाव जानाय गेवलां मेलाव गाहाय आलासि महरै बाहागो लायो आफादनि बोसोनगिरि हितेश्वर बर्मनआ। मेलाव थांखिजानाय बुंथिगिरि महरै बाहागो लानानै महा सभानि गाहाय नेहाथारि बिस्वजित रायआ केएसिनि गोहोखौ दखल खालामनायनि मुडव राजखास्थि दैदेनगिरिफोरखौ गोखौ रवजों सावरयो। मेलाव आक्रासुनि माखासे दैदेनगिरिफोरबो बाहागो लादोंमोन।



कक्राइ़ार, मंगलबार 13 अक्ट `बर, 2020

गागि थुनलाइगिरि, हारिमु सिबियारि रामकृष्ण तालुकदारनि लाइसि बेखेवदों

(□ *1 बिलाइनिफ़्राय*) गागि लिरगिरि ड० मुकन्द` शर्माया। मैया सुरुपेटानि साहित्य सभा भवनाय खुंनाय गागि थुनलाइगिरि, हारिमु सिबियारि, आञ्जिर मोन्याय फोरेंगिरि राम कृष्ण तालुकदारनि लिस्नाय गांसे लाइसिखों बेखेवनानै होनाय बिबुंधियाव बेबायदि बाश्राखों बुंधियो। गागि सोलोंथायगिरि, लिरगिरि शर्माया गावनि बिबुंधियाव बुडोदि, थुनलाइखों फालांगि महराव लानाया जोबोद गोब्राव। थुनलाइ थामहिनबा लाइसि सोजिनार्यनि उनाव फालांगि बिधिङव जोबोद मोगा–मोगि जानाडो लिरगिरि, सुजुगिरिफोर। मानोना जौनि समाजआव लाइसिनि फान्नाया थोजासे खमायलांगसिनो दं।3 कौटि 11 लाख सुबुंफोर थानाय जौनि राइज्योयाव 50 कफि लाइसि फान्नायनि थाखायनो गोलाव सम नांनाया जोबोद दुखुनंथाव। मख`नो गोनादि, बरपेटा जिल्ला साहित्य सभानि बाराग` आफादगिरि गबिन्द तालुकदारनि मासि सामलायनायाव जानाय लाइसि बेखेवनाय हाबाफारियाव बाहागो लानानै ड० मुकन्द शर्माया बेखेवनानै होयो। बे बेखेवनाय हाबाफारियाव आलासि महरै बाहागो लायो सुरुपेटानि बिएइचबि फरायसालिमानि गोरारुं ड० बिरेंन्सि कुमार दास, ड० अभिया महन्त आरो गोबां थुनलाइगिरिफोर।□

बिटिआरनि सालबारि बियाबआव एमपि शरनियाखौ गोख्रों रवजों सावरायदों

(□ *1 बिलाइनिफ़्राय*) महिलारिनि दैदेन्याय बिपिएफ दोलोखों गुबुन गुबुन बाश्राफोरजों सावरयनायनि अनगायैबो कक्राइ़ार लक सभा बियाबनि एमपि आरो गन`सुरूखा पार्टीनि आफादगिरि नब`कुमार शरनियायनि हेंथायै गोख्रों बाश्राजों सावरायबावदों। एमपि नब`कुमार शरनियाआ थांनाय माखासे बोसोरिसमनि गेजेरव एमपि महरै संसद पुन्जिनि कौटि कौटि रंफोर बबेयाव थांखो आरो मा बायदि बाहायजाखो बेनि सायाव मोनसे गोजो थांखोनि संदानो दाबि खालामो इडपिपिएलनि दैदेनगिरि दयाल शरनियाआ। दिने सालबारिनि गरैमारियाव खुंनाय मोनसे गेवलां मेलाव इडपिपिएल दोलोनै दैदेनगिरि दयाल शरनियाआ गावनि बिबुंधियाव बुडोदि, थांनाय 17 बोसोराव बिटिसि खुंधायखौ सामलायनाय हाग्रामा महिलारिनि दैदेन्याय बिपिएफ दोलोआ खात्थि गैयै बायदि बेले–बेजे खुंनायनि जाहोनावनो बर`-अबर`नि रजखात्थि नुजाथिदों। बेनि गेजेरजों मोनै बिधिङव मोनसे गुलाय–गुजाय थासारियाबो नुजाथिदों। बिपिएफनि बेबायदि गुलाय–गुजाय खुंधायवानो बर`-अबर`नि रजखात्थि मुलाफ्फाखौ लानानै नब`कुमार शरनियाआ एमपि जानो हानानै गावआरि कौटि कौटि मुलाफ्फा लानो हार्दों। दानिया बिटिसिनि बिसायख`थियाव गावनि बिदा–फंबायजों लोगोसे गावनि नख`रनि सुबुंफोरखौ गुबुन गुबुन बिजाथि महरै फसंनाया नख`रारि मिरु खालामनानै रजखात्थि खालामनाया जागयजेन्नो लादों। नाथाय एमपि नब`कुमार शरनियायनि नख`रारि रजखात्थिज्जों थंजोडै गावस्त्रागोन। जायनि थाखाय बे खेबनि बिटिसि बिसायख`थियाव नब`कुमार शरनियायनि दैदेन्याय गन`सुरूखा पार्टीनि सासेबो बिजाथिफोरानो देरहानाय नङ। बेबायदिनो एमपि नब`कुमार शरनियाआ बर–अबर`नि रजखात्थि गेलेनायजों मुलाम्फ्फा लानाया फैगो समनिफ़्राय जोबस्त्रांगोन। गावनि बिबुंधियावनो कक्राइ़ारनि एमपि शरनियाखौ गोख्रों रवजों सावरयनानै बुडोदि, नब`कुमार शरनियाआ थांनाय माखासे बोसोराव गावनि संसद ओस्त्रोलाव जौगाखां पुन्जिनि कौटि कौटि रंफोर बबेयाव थांखो आरो माबायदि बाहायजादों बेनि सायाव सोंथि खालामनानै थंजोडेडै धोन लुथिनायनि अजद खालामो। बिथाङ सोंथि खालामोदि, एमपि शरनियाआ जौगाखांनि थाखाय मोनोने हानाय गुबुन गुबुन बिफाननि रंफोर बबेयाव थांखो 2 बर`-अबर`नि गुबुलें रजखात्थि खालामनानै पार्लियामेट्न्डि गेजेरव ओन्सोलनि जेबो जौगाखांनि फारसे बाश्रा बुंनो नागारै खुगा मुथुना थानायजों शरनियाआ गावआरि रं आर्जिदों होन्नानै अजद खालामो। नब`कुमार शरनियाआ थांनाय समफोरव गुबुन गुबुन बाश्रा होन्नानै अबर`रइजो–रजाफोरखौ थगायबोदों। मानोना शरनियाआ दासिम ओन्सोलनि मोनसेबो जौगाखां महरखौ दित्थिनो हायाखै। दयाल शरनियाआ गावनि बिबुंधियाव बिटिआर गोरोबथानि गेजेरजों बर`-अबर`नि गेजेरव फारागथि सानलायनाय रजखात्थिया खमायदों आरो उतखारि जेंनायाबो खमायदों होन्नानै बुंनायजों लोगोसे फैगो सानफोरव प्रमद बर`नि दैदेन्यायव इडपिपिएल दोलोआनो बिटिआर सरकार दाफुंगोन होन्नानै बुडो आरो बे सरकार ओन्सोलनि मोनफ़्रोमबो हारि–हारिसायि मोनफुंथाय होनाय सभंआव गाहामै खामानि मावलांगोन होन्ना बुडे। इडपिपिएलनि दैदेनगिरि दयाल शरनियाआ गोलाव बिबुंधि लाखिनाय हान्जानि मेलावनो इडपिपिएलनि बिजाथि बिनद मुसाहारियाबो बिबुंधि लाखिदों।□

आइएवइ आरो एमजिएनरेगा बिथांखि मावफुंनायाव खेलेंखारि सोमजिनायनि अजदजों माजबात जौगाखां खोन्दोयाव आरटिआइ थिसन्दों

(□ *1 बिलाइनिफ़्राय*)।सोमजिनायनि अजद दैखानांने दिने उदालगुरि जिल्ला बाराग` बिएलटिनि सोद्रोमाफोर माजबात जौगाखां खोन्दो मावखुंलियाव आरटिआइ थिसन्दों। उदालगुरि जिल्ला बाराग` बिएलटिनि सोद्रोमा अनिल मुसाहारिया आरटिआइ बिलाइआव अजद होनाय बायदिब्ळा थांनाय 2015 माइथायनिफ़्राय 2020 माइथायसिम 39 नं पासने सेरफं बियाबनि एमसिएलए फान्ड आरो 2005 निफ़्राय 2015 सिम माजबात जिल्ला जौगाखां खोन्दोनि सिङव थानाय गेलाबिल भिंसिडिसिनि सिङव आइएवइ न` लुफुंनार आरो आरो 2015 निफ़्राय 2020 माइथायसिम जग्पगुर भिंसिडिसिनि सिङव एमजिएनरेगा बिथांखि मावफुंनायाव गोबांथार खेलेंखारि आरो जाख्ल`नाय सोमर्जिदों। बाराग` बिएलटि अनिल मुसाहारिया आरटिआइ गथायखाना्यनि उनाव खौरंगिरिफोरनि सिगाङव बुडोदि, गोवाव सानफोर सिगांनिफ़्रायनो माजबात जौगाखां खोन्दोनि सिङव एमसिएलएनि बिथांखि आरो एआइवाइ न` लुफुंनायजों लोगोसे एमजिएनरेगा बिथांखि मावफुंनायव बेलायाव गोबां खेलेंखारि आरो बेले–बेजे सोमजिनायखौ जायगानि राइजो–राजाफोर राइज्यो सभानि होनायखौ जों नुनो मोनबोबाय थादों। बे हिसाबै राइजो–राजाफोरनि बान बुंधि आरो अजद होनाय बायदिदियै बे सरकारि बिथांखि मावफुंनायाव सोमर्जिनाय खेलेंखारिनि सायाव नायबिजिनो हास्थायनानै जॉ दिने आरटिआइ होनाय जादों। दासिमाव जों बे आयदानि सायाव राइज्यो बेंगिरिजोंबो बाश्रा सावरायनाय जादों। राइज्यो बेंगिरिया जौनो खोथा होदोंदि, जुटि बे खलेखारि सोमर्जिनाय सैथोब्ळा जाथायजों लोब्ळा थानाय गासैखोंबो आइनिन राहा लानानै गोख्रोडै साजा होनाय जागोन आरो जाख्ल`नायजों लोब्ळा थानाय जायखि जाया जाथायवानो सिबिआइनि संदानो खोथा होदों होन्नानै अनिल मुहारिया बुंधिबावो।□

बागानपारायाव आइजो बिपिएफनि गेवलां जथुम

(□ *1 बिलाइनिफ़्राय*) ओन्सोलनि लामा, दालां, स्कुल, कलेज, सावस्ति फाहामसालि बेफोर गासै लुफुंजानाया बिटिसि रदायनि उनावसो जानाय। बेनि सिगां बिटिसि ओन्सोला मा बायदिमोन बेखौ बयबो मिथिगौ। दिने बिसायख`थिनि मुङव बेखौ जायखै होन्क्ला मा जानो। सैथोआ अराय रोखा, बे मेलावनो बिपिएफ हान्जानि मावफुं गहाय नेहाथारि प्रबिन बर`आ जथुमखो बेखेवनाय बिबुंधिनि गेजेरजों बुडोदि, बिपिएफ हान्जानि गेजेरव दिनेसिम जेबो गावस्त्रानाय सोमर्जिनाखै। नाथाय थांनाय सान्नेसोयाव बायदि निउस पर्टल आरो मोखों बिजाबफोरव बिपिएफ हान्जा मावफुं आफादगिरि थामहिनबा राइज्यो सभानि एमपि बिस्वत्तल दैमारिखौ बिजेपि हान्जायाव थाबैनो हाबहैगोन होन्नानै फोसावबाय थादोंब्ळाबो बे बिधिङव बिथाङ गावनि नोजोर आरो थांखिखौ रोखा खालामनानै होदों।बिकेटर्डन्डउपसि आरो बर`रवखौ आसामनि सरकारि लोगो मावख`आरि राव महरै गनायथि होनायखौ बरायनायनि सायाव बिपिएफ हान्जानि खायसे दैदेनगिरिफोरनि गेजेरव बाश्रा दान्थेलाइनाय जादोंब्ळाबो बे बाश्रा दान्थेलाइनाया हान्जानि गेजेरव गावस्त्रा लायनार्यनि जेबो इसा रा नङ। मानोना बे बिधिङव बिथाङ रोखा खालामनानै होखादोंदि बिपिएफ हान्जानि खायसे दैदेनगिरिफोरनि गेजेरव बाश्रा दान्थेलाइनाय जादोंब्ळाबो बिथाङ बिपिएफ हान्जाखौ नागाराखै। बिथाङ बुंबावोदि, बिपिएफ आरो बिजेपि हान्जानि गेजेरव जा गोरोबलायनाय बे गोरोबलायनाया 2021 माइथायसिम थागोन। बेनि उनाव सोरजों गोरोबलायगोन एबा गोरोबलाया बेखौ उननि समाव हान्जाया थिरांथा लागोन। नाथाय दिनेनि समसिम बिपिएफ हान्जाया बेनि सायाव जेबो थिरांथा लायाखै। बबेखानि बिथाङ बुंबावोदि, थांनाय समफोरव बिपिएफ हान्जाया आसामनि आइन आफादनि बिसायख`थियाव जैरै किं मेकार महरै बाहागो लावोदों थिख बेबायदिनो फैगो 2021 माइथायनि आसाम आइन आफादनि बिसायख`थियावबो किं मेकार महरै बिफाव लागोन। एरैहाय बिपिएफनि गहाय नेहाथारि इमानुयेल मुसाहारिया बिजेपि हान्जायाव हाबहैन्याखौ लानानै बुडोदि, सोरबाया हान्जाखौ नागारनानै थाडोब्ळाबो हान्जाया जेबो ख`हा जाया। मानोना हान्जायाव सोत्रा थंगोन आरो सोरबा हाबफैगोन। रवबो हान्जानि सायाव दिदोमथि नङ। हान्जानिफ़्राय ऑखारनाय आरो हाबनाया गासै रजखात्थि हान्जायावनो सोलियो, बिपिएफ हान्जायावल` नङ। बिपिएफ हान्जाया फैगो समाव थामहिनबा 4 थि खेबनि थाखाय बिटिसिआव बिपिएफनि आफादगिरि हाग्रामा महिलारिनि दैदेन्यायव फिन सरकार दाफिनगोन बेयो रोखा। मतनगुरि बियाबनि बिपिएफ हान्जानि बिजाथि थामहिनबा आइजो बिपिएफनि लेङइ आफादगिरि आक्तार बेगमआ गावनि बिबुंधियाव बुडोदि, दिनेनि जा आइजोफोरनि नुजाथिनाय बे नुजाथिनायखौ नोजोर होनानै रोखायै बुंनो हायोदि, फैगो बिसायख`थियाव बागानपार बियाबनि बिपिएफ हान्जानि बिजाथि फलिन्द्र बसुमतारिनि देरहायानाया जौसे जौखोन्दो रोखा। बबेखानि फैगो समाव बिपिएफ हान्जाया 4 थि खेबनि थाखाय बिटिसिआव सरकार दगोनोबो रोखा जाबानय। 5 रेजानिबो गोबां आइजोफोर बाहागो लानायाव खुंफुंजानाय बे जथुमखो आफादगिरिनि मासि लानानै सामलायो बागानपार ब्लक आइजो बिपिएफनि आफादगिरि मन्दिर् मुसाहारिया। बे गेवलां मेलाव आलासि महरै बाहागो लादोंमोन फारियै पिजेएसबिएमनि गहाय बोसोनगिरि गंगाधर रामचियारि, बिटिसिनि बाराग` इएम बनमालि बर`, मतनगुरि बियाबनि बिपिएफ हान्जानि बिजाथि थामहिनबा आइजो बिपिएफनि आफादगिरि आक्तार बेगम, बागानपार बियाबनि बिजाथि पलिन्द्र बसुमतारि आरो हान्जानि गोबां दैदेनगिरिफोर।□

मन्थि हिमन्त बिश्व शर्माया दिने कक्राइ़ार दावबायफैगोन

(□ *1 बिलाइनिफ़्राय*) हाबाफारिजों 13 आरो 14 अक्ट`बराव कक्राइ़ार सरकारि आरो थांखिबं गोजैसिम फरायसालिनि गेलेग्रा फोथाराव आसाम बिजेपि जनजाति मर्चानि मोनसे मावफारिया मेलाआ खुंजागोन। बे मेल खुंगोनखौ लानानै दिने आसाम बिजेपि एसटि मर्चानि आफादगिरि देवरिया मोनसे खौरंगिरि मेल खुंदों। खौरंगिरि मेलनि गेजेरजों देवरिया फेरमायनाय बायदिब्ळा बे मेलाव राइज्योनि गासै जिल्लानि जिल्ला आफादगिरि नेहाथारिफोरखो लाफानानै खमैबो 500 सो थान्दैफोर बाहागो लाफैगोन। लोगोसे बिजेपि एसटि मर्चानि गासै राइज्योयारि मावफुं आफादनि सोद्रोमाफोरबो बाहागो लाफैगोन। गाबोन मंगलबारखालि राइज्योनि देहा आरो सोलेंथाय बिफाननि मन्थि ड० हिमन्त बिश्व शर्माया बे मेलाव बाहागो लाफैगोन आरो फैगो 14 अक्ट्बर बुधबारखालि गिबि मन्थि सर्वान्द सनवालआ गहाय आलासि महरै बे हाबाफारिखौ बाहागो लाफैगोन होन्नानै फोरमायथियो। बेजों लोगोसेनो बिजेपि एसटि मर्चाया आसामनि जनजाति सुबुंफोरनि रेखांथि, गोजोन खौसेथि आरो जौगाथायनि थाखाय खामानि मावनो सावरायगासिनो दं। एसटि मर्चानि गुबै थांखिया राइज्योयाव जनजाति सुबुंफोरनि गेजेरव खौसेथि आरो जौगानाय लाबेनाय होन्नानै हरेन देवरिया खौरंगिरि मेलनि गेजेरजों फोरमायथिबावो।□

बगिबिल दालांजों गिबि खेव जरखा राजधानि एक्सप्रेस खारजेनबाय

(□ *1 बिलाइनिफ़्राय*) फारसे लांनायजों लोगोसे ओन्सोलनि रंखात्थि–सामाजिक जौगाहोनाय बिधिङव गोनांथार बिहोमा होगोन। गिबि मन्थ्रिया लोगोसैयै बुडोदि, जरखा राजधानि एक्सप्रेसनि खरानाया आसामनि नसुंसे राइज्यो अरुणाचलनि फोनंजाब आरो रंखात्थि बिधिङवबो थोजासे हेफाजाब होनो हानायाव जाफुंसारगोन। गिबि मन्थ्रि सनवालआ बुडोदि, गहाय मन्थ्रि नरेन्द्र मदिआ 2014 माइथायाव खुंधायखौ सामलायजेनार्यनि उननिफ़्रायनो आसाम आरो सा–सान्जा ओन्सोलनि फोनंजाब राहाखौ जौगावां होनार्यनि सायाव गोनांथार होबोदों। गहाय मन्थ्रनि बेबायदि नाजाथाबनाय रहानि थाखायनो गोबां आद्रा जानानै थानाय बिथांखिफोर थाबैनो मोगथां महराव जाफुंसार जानो हावबावदों। बे बिधिङव रेल लामा लुफुंनायजों लोगोसे रेल लामानि जौगाथाया ओन्सोलनि रेल जौगाखांनार्यनि सायाव रेलवे बिफानआ गोनांथार नोजोर होनार्यनि थाखाय थांनाय 6 बोसोरनि गेजेरव ओन्सोलाव रेल फोनंजाब राहाया गोदान मिजिजं आवगायनो हार्दों होन्नानै बुडे। गहाय मन्थ्रि मदिआ ट्रेन्सफर्मेसन थ्रं ट्रेन्सफर्टेसन नितिति गेजेरजों ओन्सोलनि फोनंजाब राहाफोरखौ थाबैनो सोलायहोनो हानायाव जाफुंसार जानो हार्दों। गिबि मन्थ्रिआ बुडोदि, खालानि फोनंजाब रहानि अनगायैबो अखां आरो दै लामानि जौगाखां खालामनार्यनि थाखायबो मिरु सरकार गोनांथार होनानै दासान्दि गोबां बिथांखिफोरखौ आजावना लादों। जरखायै दिनेनिफ़्राय सोलानाय हादतनि रजधानि आरो सा–सान्जा ओन्सोलनि गेजेरव रेल फोनंजाबनायखौ गोख्रोंसिन महर होनार्यनि थाखाय लानाय राहा फारिया राइज्योनि फोनंजाबनाय बिधिङव थाबैनो सोलायहोनायजों लोगोसे रजखात्थि जौगानायनि बिधिङवबो मोनसे गेदेर गोहोम गोर्लैदों होन्नानै गिबि मन्थ्रिआ बुडे। मख`नो गोनार्दि, सप्ताहयाव खैबनै सोलिनो गोनं आसामनि बे गोदान आदबजों बानायफुंनाय रेल सिबिथाययनि गेजेरजों सा–सान्जा राइज्यो आरो हादतनि दावबायारिफोर थोजासे मदत मोनो हागोन होन्नानै मिजिथि लाखियो।□

बिटिसियाव लोगो नांनानै बिजेपिआ सरकार दागोनः रन्जित दास

(□ *1 बिलाइनिफ़्राय*) कक्राइ़ाराव सान्नेनि हाबाफारिजों खुंजानो गोनां बिजेपि जनजाति मर्चानि राइज्योयारि मावफारिया मेलाव बाहागो लाफैनानै बुंदोंदि, खुंजानो गोनां बिटिसि बिसायख`थियाव बिजेपिआ हारसिडे मोन 26 बियावफोरव बादायनो साखा–फारा जानानै दं। बे हिसाबै जाय हान्जाया बांसिन मासि देरहानो हागोन बे हान्जजों लोगो नांनानै बिजेपिआ बिटिसियाव सरकार दागोन। बिथाङ खौरंगिरिफोरजों मोगा–मोगि जानाय समाव बुंबावोदि, बिपिएफनि माखासे गगि आरो गिबि सारिनि दैदेनगिरिफोर हान्जानि गेजेरव बेले–बेजे सोमर्जिनायनि थाखाय बिजेपि हान्जायाव हाबगासिनो दं आरो माखासे बिपिएफनि दैदेनगिरिफोर बिजेपिजों फोनंजाब लाखिगासिनो दं। बिजेपि हान्जाया बिटिसि हलाफना 5 लाखनि बांसिन गोदान सोद्रोमाफोर थिसनखांबाय आरो ओन्सोलनि थागिबि सुबुंफोरनि जौगाथाय आरो अन्सायलुनि थाखाय खामानि मावगासिनो दं। बिटिआर गोरोबथाखौ मावफुंनायनि बेलायाव दासिआ बुंबावोदि, बिटिआर गोरोबथानि समाव बिजेपि दैदेन्याय आसाम आरो मिरु सरकारा खोथा होनाय बायदिदियै गोरोबथानि दफाफोरखौ मोनसेनि उनाव मोनसे मावफुंगासिनो दं। फैगो 2021 आव खुंजानो गोनां राइज्यो बिधान सभा बिसायख`थिनि थाखायबो बिजेपिआ आबुडै साखाफारा होन्नानै फोरमायबावो।□

बोसोरारि कार्तिक माइनाव खेराइ फुजाखौ

सानथामनि हाबाफारिजों फालिनो लाहार–फाहार

(□ *1 बिलाइनिफ़्राय*) फैगौ 18, 19 आरो 20 अक्टखालि गासै सानथामनि मेहेर गोनां हाबाफारि लानानै फालिनो थाखाय बे समनिफ़्राय लाहार–फाहार जानायखौ नुनो मोन्दों। बानजाय आफादनि आफादगिरि भबेस चन्द्र बसुमतारि आरो नेहाथारि त्रिजय बसुमतारिआ मिथिहोनाय बादिब्ळा, दासान्दि गिथावनायै गोसारनाय करना भाइरसानि थासारिखौ नोजोर होनानै बे एंगारहायै बोसोरारि फोरबोखौ गोजौआव मख`नाय अक्ट्दनिफ़्राय खुंनो थाखाय दासान्दि लाहार–फाहार जादों। बोसोरारि फोरबोनि हाबाफारि बादिदियै गिबि सानखालि फुंनि 8 रिंगाआव जानागुरु, बिमा गुरु आरो सिबियारिफोरनि मुं थिसन्याय आरो बेनि उनाव फारियै सान्ति फुजा, बाथौ आर`ज, गुरुनि खाम्पन् नेशॉनआव आलारि सावनाय, गर्जा, फोसाबनाय, थान्दै जथुमनाय, माइ ग`षा लाइनार्यनि थियारि जानाय, गर्जा आर्जिनाय हाबाफारिफोरा गिबि साननि समाव खुंजागोन। बेनि उनाव नैथि सानखालि फुंनि 8 रिंगायाव बाथौ आर`ज, गर्जा फुजा, खेराइ फुजानि सान्ति फुजा, दोर्शोन खेराइनि जागायजेन्नाय, खेराइ फुजासालिखौ बेखेवनाय बायदि हाबाफारिफोरा फारियै खुंजागोन। बेबायदिनो जोबथा सान एबा थामथि सानखालि फुंनि 9 रिंगायाव माइनाव बोर रानाय, दौरि आन्दलान, गुरुफोरजों सिबियारिफोरनि मान लालाइनाय गोनां हाबाफारिफोरा खुंजागोन। बानजाय आफादआ हाबाफारिखौ गाहामै जाफुंसारहोनाव ओनसोलनि सुबुंफोरनिफ़्राय आवुं हेफाजाब मोनगोनखौ मिर्जिथि लाखिदों।□

गिबि मन्थ्रिआ सनवालआ डिब्रुगइआव एएमसिएइच फोनांजाब लामा बेखेवदों

(□ *1 बिलाइनिफ़्राय*) सनवालआ थांनाय 180 बोसोरनि जारिमिनारि डिब्रुगइ नोगोरनि लामा फोनंजाब राहाखौ फोजौखानायनि फारसे बेयो गुबुन मोनसे गोनांथार नोगोरनि फोनंजाब लामा जागोन होन्नानै बुडे। गिबि मन्थ्रि सनवालआ एएमसिएइच फोनंजाब लामाखौ बेखेवना होनाया गोजान–गोजान जायगानिफ़्राय आसाम मैडिकेल कलेज देहाफाहामसालिसिम फैनाय बेरामिफोरखौ फाहामथाय होनार्यनि बिधिङव थोजासे खाबु मोनगोन होन्नानै बुडे। बेनि लोब्बायै खुंनाय मेलाव बिबुंधि लाखिनानै गिबि मन्थ्रि सनवालआ बुडोदि, गहाय मन्थ्रि नरेन्द्र मदिनि गोख्रों दैदेन्यायव थांनाय 2016 माइथायनिफ़्रायनो राइज्यो सरकार राइज्योयाव लामा फोनंजाबनाय राहाखौ जौगाखां होनार्यनि फारसे गोखै सोलिहोबाय थादों। हान्था मेला खालामनाय आरो फोनंजाब राहाखौ फोजौखानार्यनि फारसे आधिखालनि गहाय मन्थ्रि मदिआ लानाय गोनांथार बिबाननि थाखायनो प्रधान मन्थ्रि ग्राम सरक यजनानि सिङव राइज्योयाव 15 रेजा कि:मि: गोलाव लामानि लुफुंनाय हाबाफरिया जाफुंसारनो हार्दों। बेनि अनगायैबो राइज्यो सरकार गं 1 रेजा दंफॉनि दालांखौ पाक्का खालामनार्यनि फारसेबो रायखंजाथावन राहा लानो हार्दों होन्नानै गिबि मन्थ्रिआ फोरमायो। बेबायदिनो सिगांनि सरकारनि समाव माल्बाबाबो बेबायदि जाफुंसारनो हायाखै होन्नानै रायखाना राइज्योनि साहा बागाननि लाइनफोरखौ फोजौखानार्यनि फारसे आधिखालनि सरकार गोनांथार राहा लानायाव दासिम राइज्योनि मोन 800 साहा बागाननि लामाफोरखौ पेश्भास बक्ल लामासिम फोजौखानो हार्दों। लामा फोनंजाब रहानि जौगानाया रंखात्थिखो गुदि थाखोनिफ़्राय गोख्रो खालामनार्यनि फारसे गुबुन मोनसे गोनांथार राहा होन्नानै रायखाना गिबि मन्थ्रि सनवालआ बे बिधिङव गहाय मन्थ्रि नरेन्द्र मदिनि दैदेन्याय मिरु सरकार अरायसम गोनांथार होबोदों होन्नानै बुडे। बिथानि माव बिबानावनो राइज्योयाव बुर्लुबुथुरनि सायाव गं 3 गोदान दालां बेखेवनाय जादों आरो बुर्लुबुथुरनि सायाव गुबुन गं 5 दालानि लुफुंनायनि हाबाफारिखौ लानाय जादों होन्नानै गिबि मन्थ्रिआ फोरमायो। गिबि मन्थ्रि सनवालआ सिगांनि सरकारनि समाव जाफुंसारै लामा फोनंजाबनि राहाखौ आधिखालनि गहाय मन्थ्रि मदिआ आसामनि सुबुंफोरनि सायाव अन्नाय मोजोमनाय थानार्यनि थाखायनो राइज्योनि लामा लुफुंनाय खामानिफोर जाफुंसारदों होन्नानै बुंबावो। जायगानि एमएलए प्रसान्द फुकनआ दिनेनि मेलआव बिबुंधि लाखिनानै बेखेवजानाय बे लामाया तिनसुकिया फारसेनिफ़्राय एएमसिएइचसिम फैनाय बेरामिफोरनि थाखाय मोनसे गेदेर रेहाय जागोन होन्नानै रायखाडे। लोगोसे नोगोरनि लामाफोराव गारि–मथरफोरनि हंगो–दोंगो जानायाबो 35 जौखोन्दो खमायगोन होन्नानै बुंनायजों लोगोसे प्रसान्त फुकनआ थाबैनो बे लामायाव लाइटनि राहा खालामना होनाय खामानियाबो जागायजेनगोन होन्नानै बिबुंधियाव बाश्रा होयो। मिरुनि राइज्योयारि मन्थ्रि रामेश्चर टेलियाबो बिबुंधि लाखिनाय दिनेनि बे बेखेवनाय हाबाफारियाव एमएलए तेरस गवाला, चक्र धर गै आरो माखासे बिफाननि बिबानगिरिफोराबो बाहागो लादोंमोन।□

फकिराग्राम अर खामनाय जाथायथिलियाव आसाम बिजेपिनि आफादगिरि रन्जित दासआ नायगिदिहैदों

(□ *1 बिलाइनिफ़्राय*) दावबायहेनानै रन्जित दासआ ख`हा जाजानाय गलादारफोरजों दान्दिसे सप्त सावरयलायो आरो ख`हा सुफुंथाय होनार्यनि राहा लानो खोथा होयो। बुब्लियावनो खौरंगिरिफोरजों मोगा–मोगि जानाय समाव दासआ फोरमायोदि, बे अर खामनाय जाथायसोमर्जिनार्यनि सायाव राइज्यो बिजेपिआ गोथौ दुखु मोन्दों। जाथायनि सायाव हाथायसालि आफाद आरो गला बिगोमाफोरजों सावरायनाय बाबाय। बे जाथायजों ख`हा जाजानायफोरनि थाखाय मा रोखोमै ख`हा सुफुंथाय होनाय जागोन बेखौ जिल्ला खुंधाय आरो राइज्यो सरकारजों सावरायनार्यनि गेजेरजों जगायनार्यनि राहा लानाय जागोन। लोगोसे फकिरग्रामाव गंसे फायार त्रिगेट गाइसन्वार्यनि सायावबो गिबि मन्थ्रिजों सावरायनाय जागोन आरो फैबाय थानाय समफोराव फकिरग्राम हालामनि जौगाखांनि थाखाय बिजेपि सरकारा नांगो रोखोमनि राहा लागोन आरो खामानि मावगोन होन्नानै खौरंगिरिफोरनि सिगाङव फोरमायथियो।□

मिरु सरकारनि बिथांखिफोरखौ मावफुंनो गिबि मन्थ्रि सनवालनि बिथोन

(□ *1 बिलाइनिफ़्राय*) आरो तिनसुकिया जिल्लयााव दाफुंनो लानाय मिरु सरकारनि बिथांखिफोरखो आरो राइज्यो सरकारनि गुबुन गुबुन बिथांखिफोरनि सायाव सावरयलायनानै मोनै जिल्लानि खुंगिरि आरो बिथांखि मावफुंनायनि बिबानाव थानाय सरकारि बिफानफोरखौ बिथोन होदों गिबि मन्थ्रिआ। दिनेनि बे गोनं जथुमनायाव मिरु सरकारि मोनफ़्रोमबो बिथांखिफोरखौ आबुडै मावफुंनायनि सिङव गेजेरजों रड मेप आजावना लानानै बेनि गेजेरजों सिगां फारसे आवगायलानो थाखाय सरकारि बिफानफोरखौ बिथोन होयो। दिनेनि जथुमनायाव गिबि मन्थ्रिआ प्रधान मन्थ्रि आवाज यजना (ग्रामिन) नि सिङव मोनै जिल्लयााव सोलिबाय थानाय खामानि दामानिनि सायाव खौरं लायो आरो बे बिथांखिनि खाबुफोरखौ मोनफुंधायनिफ़्राय जानायाव थांनाया सुबुंफोरनो उक्का फारिलाइनि गेजेरजों थाबैनो खाबु होनो बिथोन होयो। बे बिधिङव गोनांथार रेंजिफ़्रेसन खालामनाय राहाफारिखौ फोजौखानायनि बिधिङव सरकार गोनांथार राहा लागोन होन्नानैबो गिबि मन्थ्रि सनवालआ दिनेनि जथुमनायाव रायखाडे। मेलआव गिबि मन्थ्रि सनवालआ समाज अन्साय बिफाननि आजावना लानाय सरकारि मोनफ़्रोमबो बिथांखिफोरखौ आबुडै मावफुंनायनि सप्त दाननि बिफानफारि खुंफुंनार्यनि गेजेरजों मिरु सरकार बांसिन गांसो होनाय एबा गोनांथार होनाय गोर्बांयाव थानाय बिमा आरो जागोदान गथ`साखौ गुफुं देहा खालामनार्यनि बिधिङव जाहाथे थि सप्मावनो जगायथाय होनो हायो बेनि सायाव सानफ़्रोमबो नोजोर लाखिनो बिफानखौ बिथोन होयो। लोगोसे बे बिथांखिखौ मावफुंनो थांनायाव जाहाथे जेबो रोखोमनि बेले–बेजे जेंनाफोर नुजाथिनो हाया बेनि थाखाय बिफाननि बिबानगिरिफोरखौ सांयां नोजोरजों खामानि मावनो बिथोन होबावो। बेबायदिनो बेंगुराफोरनि थाखाय मिरु आरो राइज्यो सरकार मावफुंनो लानाय बिथांखिनिफ़्राय जाहाथे जाथावन। मुलाम्फ्फायारिफोर जानागाराव थानाङ बेनि थाखायबो गोनांथार नोजोर लाखिनो बिफानखौ बिथोन होयो। बेंगुराफोर सरकारि बिथांखिनि खाबुफोरखौ मोनो हानाय बायदि बिसोरनि गोनांथार रइ आन्जद खालामनार्यनि गेजेरजों देहा बिफाननिफ़्राय फोरसानलाइनि थाखाय मोनसे अधिनार्यनि हाबाफारिखौ जागायजेन्नो थाखायबो दिनेनि जथुमनायाव बिथोन होदों। बे जथुमनाय समाव गिबि मन्थ्रिआ प्रधान मन्थ्रि ग्राम सरक यजना, 14 थि आरो 15 थि रंखात्थि आयगनि पुन्जिजं गामि पन्चायतआव सोलिबाय थानाय खामानि दामानिफोरनि सायावबो सावयतलायनाय जायो। गिबि मन्थ्रि सनवालआ मोनै जिल्लानि खुंगिरिफोरखौ 14 थि आरो 15 थि रंखात्थि आयगनि पुन्जिजं गामि पन्चायत थाखोयाव लानाय बिथांखिफोरनि दानआरि सावरयनाय, गामि मेल खुंनाय, गामियारिफोरा बिथांखिनि रंफोरखौ मोनो हार्दों ना हायाखै बेनि सायाव नोजोर लाखिनो बिथोन टेलि, राइज्यो सरकारनि साहा जनजाति अन्साय बिफाननि मन्थ्रि सन्जय किसान, एमएलएफोर फारियै प्रसान्त पुकन, बिनद हाज`रिका, तेरस गवाला, नरेन सनवाल, चक्र धर गै, डिब्रुगइ जिल्ला, तिनसुकिया जिल्ला बेंगिरिजों लोगोसे पुलिस बिबानगिरियाबो बाहागो लादोंमोन।□

गोग्गो दै जगायथायनिफ़्राय जानगारनानै दं उदालगुरिनि राइजो–राजाफोरा

(□ *1 बिलाइनिफ़्राय*) फारसेथं बिफाननि मन्थ्रि रिहण दैमारिया बे बिधिङव जरखायै जाफुंसार जानो हायाखै। कलाइगाव पिएइचइ बिफाननि दालाइ संमन्दलनि सिङव मोन 27 दै जगायथाय बिथांखिया गात्रि जानाने दं। दै जगायथाय बिथांखिखौ सिगाङव मावफुंनाय जादोंब्ळाबो नाथाय ओन्सोलनि राइजो–राजाफोर गोग्गो दै लौनाय जगायथायनिफ़्राय जानगारनाने दं। गुबुन फारसेथ

आर्यनन्दा बाबुआ सा रे गा मा पा लिटिल चैम्पस 2020 नि देरहासार जाबाय

गोदान दिल्ली, 12 अक्टूबर : टिभि मुलुगनि सिंगिं रियेलिटि श्व'हाबाफारिफोरनि गेजेराव मोनसे सा रे गा मा पा लिटिल चैम्पस 2020 नि बिजाबखौ आर्यनन्दा बाबुआ देरहानो हाबाय। केरेलानि थागिबि आर्यनन्दाया पुरा सिजेनआव गोबां मोजां दिन्थिफुदोमोन आरो श्व'नि उइनारनि बिजाबखौ गावनि मुं खालामनो हाबाय। उइनार जानायनि उनाव आर्यनन्दाओ श्व'नि जाज हिमेश रेशमिया, अल्का याज्ञनिक आरो जाबेद आलीआ देरहासारनायनि टूफीजों लोगोसे 5 लाख रॉनि चेकबो होदों। आर्यनन्दाया मोनसे सरासन्ना नख'रनिफ्राय फेनाय, जाय बे रांफोरखौ सोल्लोथाय लानायजों लोगोसे न'बाननायाव खरसा खालामनो हास्थायो। फासंथि श्व'नि रनरआपनि बाश्राखौ बुडेब्ला फास्ट रनार आपआ जादों।



कलकतानि रणिता बेनार्जी आरो थामथि थाखोआव पान्जाबनि गुरकीरत सिंआ देरहानो हादों। उइनारजों लोगोसे नैथि आरो थामथि थाखोआव बादायारिफोरनोबो 3 आरो 2 लाख रॉखौ होदों। फिनलेनि खाबुआव जाजजों लोगोसे स्पेशल आलासि महैरे जेकी श्राफ, शक्ति कापुर आरो गबिन्द्याबो बाहागो लादों।


आर्यनन्दाआ आधिखालाव 7 थाखोआव फरायो आरो बियो एसेबो हिन्दी राइज्नायनो रोड। श्व'आ बिनो हिन्दी देंखोफोरखौ मललायमआव लिरनानै होनाय जायोमोन।

आर्यनन्दा नि बिमा-बिफाया कच्चिआव गथ'फोरखौ खोला भारतीय शास्त्रीय देंखो फोरोडो। आर्यनन्दाया बेनि सिगांबो 2018 आव सारेगामापा लिटिल चैम्पस तामिलनि रनार

आप जाखांबाय। आर्यनन्दाया बुनाय बायदिब्ला, आधिखालाव गावसोर बाहा लानाय न'आव थायो। बे श्व'आव देरहानाय रंजों गावसोर गंसे न'बायगोन आरो माखासे रंखौ गावनि फरायनायनि थाखायबो दोनगोन। मख'नो गोनांदि श्व'नि फाइनाल एपिसडनि जागायनाय टप बाहायारिफोरनि परफर्मन्सनि सायाव जादोंमोन, जेराव आर्यनन्दाया बाला, रणिता बेनार्जी, गुरकीरत सिं, जायद आली, माधव अरड़ा, अक्षय सानवने आरो तनिष्का सरकारनि मुड दडमोन। बेनि उनाव उइनारनि थांखिखौ सरासन्ना सुबुंफोरनि भटनि सायाव बिथा खालामनानै लानाय जादों।

अक्षय कुमार आरो सनु सुदआ सुथिं खौ जागाय फिनबाय

गोदान दिल्ली, 12 अक्टूबर : फावखुंगुर अक्षय कुमार आरो सनु सुदआ सावथुन पृथ्वीराजनि सुटिंखौ गोदानै जागायफिनबाय। सेटनिफ्राय अक्षय कुमारनि एक्सक्लुसिभ सावगारिखौ खौरां बिजोंफोरा भास्करआ मोन्दों। सावथुनजों सोमोन्दो गोनां सुलुंआ फोरमायदोंदि, बे शेडयुलआ 30 नबेम्बरसिम सोलिगोन। आधिखालाव सुटिंआ यशराज स्टुडियआव जागासिनो दड, नाथाय थाबैनो बेखौ मुम्बाइनि मड आइलेन्ड आव पुरा खालामनाय जागोन। सावथुननि सिदिउलखौ बेनि थाखायनो गोलाव खालामनाय जादों, जाहाथे साफ्रोमखौबो नेमखांथि बादिदैये करना टेस्ट खालामनायबो जाबाय थायो। क्लू मेम्बर्सनि रिपर्ट आ निगेटिभ फेनायनि उनावसो बिखौ स्टुडियआव हाबनो होनाय जादों। बिसोरखौ लोगोसेयै खांथिनो गंसे हटेलेआव दोननाय जादों। बेवहायनिफ्रायनो बाय'बबलनि दैदेन्नायाव गासिबोनि थांलाय-फैलाय खालामनायखौ नोजेर होनाय जादों। सावथुनआव सन्जय दत्तआबो दंफायोदों बियो महम्मद गौरीनि फावआव



फाव खालामदों। आधिखालाव बियो इम्युनथेरिपि खालामजागासिनो दड। बेनिखायो बेनि शेडयुलखौ दिवालीनि उनाव लाखिनाय जादों। अक्षय कुमार सनु सुद आरो मानव बिजआ आद्रा सीक्वेन्सखौ फुरा खालामगासिनो दड। 13 अक्टूनिफ्राय मानुषी छिललरआबो सुटिंआव बाहागो लासिगोन। सेटजों सोमोन्दो गोनां सुलुंनिफ्राय सासेआ सुलुंआ फोरमायदोंदि, मार्चआव लकडाउन जानायनि

सिगां सावथुननि गिदिर बाहागोनि सुटिंआ फुरा जाखांबायमोन। जयपुरआ राजा महाराजाफोरनि महलफोरनि एक्सटीरियरनि स्टक फुटेजआ गोबां दड। माखासे बाहागोफोरनि सुटिंखौ फुरा खालामनो थाखाय वाइआरएफ स्टुडियनि सिडव गिदिर सेटखौ थियारि खालामदों। बेवहायनि इन्टिरियरखौ जयपुरनि एक्सटीरियर सेटजों लोगोसे सरजाबफानाय जागोन।

सावथुन सुर्यबन्शीआ बे बोसोराव रिलीस जानाय नड

गोदान दिल्ली, 12 अक्टूबर : करना भाइरसनि जाहोनआव गोबाव समनिफ्रायनो सिनेमाहलफोरा बन्द जादोंमोन, जाय 15 अक्टूबरनिफ्राय जागायफिनसिगोन। गोबाव सान सिनेमाहलफोरा बन्द जानायनि जाहोनआव गासैबो शेडयुलनि सावथुनफोरा रिलीस जानो हायाखै, जाय आधिखालआव रिलीस जासिगोन। बिब्दियाव माखासे सावथुनफोरनि गेजेराव दावराव-दावसिबो जानो हागौ। बेनि गेजेरावओ अक्षय कुमारनि सावथुन सुर्यबन्शी आरो रणबीर सिनि सावथुन 83 आव दावराव-दावसि जानो हागौ आरो मोननैबो सावथुनफोरा मोनसे समआवनो रिलीस जानो हागौ होन्नानै फोरमायनाय जादोंमोन। आधिखालआव रोखा खालामदोंदि, मोननैबो सावथुनफोरा आलादा-आलादा समआव रिलीस जानो हागौ। गिबियाव फोरमायनाय जादोंमोनदि, अक्षय कुमारनि सावथुन सुर्यबन्शी एवा क्रिसमासनि खाबुआव रिलीस जानो हागौ आरो 83 नि रिलीस अक्टूखौबो क्रिसमासआव थि खालामनाय जादों। सावथुन 83 आबो लकडाउननि जाहोनआव रिलीस जानो हायाखै, बिब्दियाव मेकासआ क्रिसमासनि अक्टूखौ फिक्स खालामदोंमोन। लोगोसेनो बेखौबो थि खालामदोंमोनदि, सावथुन 83 आ अटिं प्लेटफर्मआव रिलीस जानायनि अनगायै थियेटरआवसो रिलीस जागोन। आधिखालाव सावथुनआ क्रिसमासनि खाबुआव रिलीस जागोन। बेफोर गासैबोनि सिगां क्रिसमासनि खाबुआव आमीर खाननि सावथुन लाल सिं चडढाया रिलीस जानो गोनांमोन, जाय फेगौ बोसोराव रिलीस जानो गोनांमोन, जाय फेगौ बोसोराव रिलीस जागोन आरो आधिखालआव बे सावथुननि सुटिंआबो आद्रा दड। गिबियाव सावथुन सुर्यबन्शीखौ बे बोसोरावओ रिलीस खालामगोन होन्नानै फोरमायनाय जादोंमोन, नाथाय आधिखालआव बेनि रिलीसखौ फेगौ बोसोरावसिमि थाखाय दोन्थ'नाय जाबाय जाय 26 मार्चआव रिलीस जानो हागौ।

सनु सुदनि फेनआ गाहाय मन्थि मदिनाव भारत रत्न बान्थाखौ नंगुबै हिर'नो होनो आर'ज गाबदों

गोदान दिल्ली, 12 अक्टूबर : कभिड-19नि जेनायाव लकडाउन होनाय समाव फावखुंगुर सनु सुदआ रियेल हिर'जानानै सोराडाव फेदों। सनु सुदआ इनफेक्सन गोसारनाय समाव रोजा रोजा सुबुंफोरखौ बिसोरनि न'सिम दैथायहरदों, जाग्रा आदारनि सुबिदा, गाहाम देहानि सुबिदा, सोल्लोथाय लानायनि सुबिदाखौ जगायना होदों। बेनि उन्ननिफ्रायनो सनुनि फेन्सफोरा ससियेल मिडियाआव बिखौ बाख्नायबाय थानो बायाखै। सासे फेनआ गाहाय मन्थि नरेन्द्र मदिनाव सनु सुदनो भारत रत्न बान्थाखौ होनो आर'ज गाबदों। बे पस्टनि फिन्नायाव सनु सुदआ अननानै गुरैयै आखाय खबजानानै मोनसे इमजीखौ सेयार खालामदों। ससियेल मिडियाआव इउजारआ मोनसे पस्ट खालामदों। बे पस्टआव मन्दिनि भगवानजों लोगोसे सनु सुदनि सावगारिखौबो लागायदों। बेनिसायाव



फोथाबो फुन्नाय जादों। मख'नो गोनांदि, इनफेक्सननि समाव सनुआ समाज सिबिथायनि थाखाय ओरोबादि थांखिखौ लादों, जायनि थाखाय आधिखालाव माखासे सुबुंफोरा बिखौ रियेल हीर'बानायदों। निखाउरिफोरनि थाखाय गाहाम देहानि सिबिथाय आरो सोल्लोथाइखौ जगायना होनायाव सनुआ थानाय माखासे दानफोराव गोबां हाबाफारि मावबोदों। बे दाननि जागायनायाव सनु सुदआ गोबां दुइत खालामदोंमोन। बेवहाय बियो बे बाश्रानि सायाव दुखु मोन्नायखौ फोरमायदोंमोमदि, जाय फरायसाफोरा रां होनो हायाखै बिसोरनि थाखाय फरायसालिफोरा अनलाइन क्लासफोरखौ बन्द खालामना होदों। बियो बुंदोंमोनदि जुदि बेंकआ मरेटरियम पिरियड होनो हायोब्ला फरायसालिफोराबो फरायसाफरनि थाखाय बिब्दि बेबस्थाखौ खालामनो हायो।

गाहाम देहानि राहा

मुग दालिखौ जायोब्ला गोबां मुलाम्फा मोनो

सरासन्नायै गासैबो दालिआनो प्रटिनजों आबुं आरो देहानि थाखाय मुलाम्फा गोनां। नाथाय बयनिखुडबो मुग दालिया गाहामसिन। बेयाव भिटासिम ए, बि, सि आरो इनि बिबांआ आबुडैनो थायो। लोगोसे पेटिसियाम, आयरन, केल्सियाम मेगनेसियाम, कपार, फलेट, फाइबरनि बिबांआबो आरो थोजासे थायो, नाथाय केल्सरिनि बिबांआ गोबां खम थायो। बे मुग दालिया देहानि फिलर थाय खौ सामलायनायावबो मदत होयो। मुग दालि जानायनि मुलाम्फाफोरा जादों-



(1) बेखौ जाबाय थायोब्ला ब्लाड प्रेसारखौ सरासन्ना खालामनायाव मदत मोनो। बेयाव आबुं बिबांनि फाइबर, पटासियाम आरो मेगनेसियाम

बिष गोनां मैंग-थाइंगफोरनिफ्राय रैखाथि मोन्नायनि सरासन्ना राहा

जों जागरा मैंगआवबो माखासे बिष थायो, जायखौ जों मिथिया। नाथाय माखासे राहाफोर दं जायजों जों मैंगआव थानाय जों देहानि थाखाय साबजायै एवा बिष गोनां मुवाखौ गैयै खालामना मैंगखौ जानो हागौ। (1) जाय बिष गोनां मुवाफोरा गायनाय समावनो मुवाफोरा गायनाय समावनो सौहैयो बेखौ जों संदानाया गोब्राब। मानोना आन्जादसालियावबो बेखौ नायबिजिनो हायो। बेनिफ्राय बारग'नायनि मोनसे राहायानो जादों हानायमानि मैंग-थाइंगफोरखौ ऑर्गेनिक राहाजों आबाद खालामनांगौ। ऑर्गेनिक राहायै आबाद बावनायाव एम्फौ-एनला बुथारग्रा मुलि, रासायनारि हासा बायदिखौ बाहायनाय जाया। बेनि अनगायै मैंग बाइनाय समाव सोंनानै बायनांगौदि, बे मैंगख बबेनिफ्राय लाबोदों। एसे एनै सौंथि सोंनानै मिथिनो हायोदि बे मैंगखौ बबेना गुबुले दैमा-दैसाफोरनि सेरआव गायनाय



नांगौ ना नड। (2) गावनि न'आवनो मैंग गायनो जायगा दडब्ला एवा न'नि टेरिसआव मैंग-थाइंगफोरखौ गायनानै जानांगौ। अदेबानि बे खामानिया गोबराव आरो खरआबो जायो। अब्लाबो एसे खरसा आरो हाबा मावननै बिष गोनां मैंगनिफ्राय रैखाथि मोनो हायो। (3) मैंग-थाइंगफोरा बाजारनिफ्राय न'सिम लाबोनाय समावबो बिष गोनां जानो हागौ। बेखौ जायोब्लाबो देहानि थाखाय ख'हा गोनां जागोन। बेनिखायनो संनायनि सिगां मैंग-थाइंगफोरखौ मोजाडै सुनांगौ। बबेना मैंगखौ सन्देह जायोब्ला दैयाव सखि होना दसे सम सोमहाबना दोननांगौ। बिब्दि खालामोब्ला बेयाव सिथावना थाखाय खहा गोनां तत्वआ आलादा जायो। (4) माखासे मैंग-थाइंगख बिगुर गारखानायनि उनाव दै एवा बेकिं सडा होनानै मोजाडै सुनोबो हागौ। नडब्ला दुबुद दै जोंबो सुनो हागौ। बिब्दि खालामोब्ला बेयाव सिथावना थानाय मैलाया आलादा जायो। (5) सरकारआ बे बिथिंआव गोनां राहाफोरखौ लानांगोन। दैमा-दैसाफोरखौ बिष गैयै खालामनांगोन आरो बिब्दि खालामनो हाजासिम गुबुले दैआफोरनि दैखौ आबाद फोथाराव होनायखौ होबथानांगोन। लोगोसे सरकारा आबादारिफोरखौ एम्फौ एनला बुथारग्रा बिष गोनां मुलिफोरखौ बाहायनि सुबुरुन होनो हागौ।

फावखुंग्रि खुशबु सुन्दरआ कंग्रेस पार्टीखौ नागारबाय

चेन्नाइ, 12 अक्टूबर : कंग्रेसनि माहारियारि बुंथिगिरि खुशबु सुन्दरआ समबारआव पार्टिनि गिबि जेनाजों बिबान एंलायनानै बुंदोंदि, गाव बेबादिखौ दैदेनगिरिफोरा गाव गावनि बाश्राखौ नारसिन्नानै होनाय आरो गादबनायनि थाखाय खालामदों कंग्रेसआबो बेनि गेजेराव दिल्लीयाव फोसावदोंदि खुशबु सुन्दरखौ पार्टिआ बुंथिगिरिनि मासिनिफ्राय बोख्लायनाय जाबाय। बयजोंबो मोजां मोनजाग्रा तामिलनि फावखुंग्रि, खुशबु सुन्दरआ 2014 आव कंग्रेसआव बाहागो लादोंमोन। बियो गावनि बिबान एंलायनायखौ कंग्रेसनि गोजौ सिन दैदेनगिरि सनिया गान्धीनो दैथाय हरदों। कंग्रेसआव बाहागो लानायनि सिगां बियो द्रमुकआव दडमोन। खुशबु सुन्दरआ बुंदोंदि पार्टिनि सिडव गोजौ थाखोआव माखासे सुबुंफोर दड, जायफोरना हासा बाहागोआव जेबो सोमोन्दो एवा राइज्योआरि महैरे सिनायथि गैया, बिसोरो

गाव गावनि बाश्राफोरखौ नारसिन्नानै होयो आरो आं बायदि पार्टिनि थाखाय गोथौयै हाबाफारि मावनो हास्थायग्रा सुबुंखौ उन खालामो आरो गादबनो नाजायो। बिजेपिआव हाबनायनि बाश्रा सावरायनायनि गेजेराव अखिल भारतीय कंग्रेस कमिटीनि मिडिया आफादगिरि प्रणव झया मोनसे बिबुंथिआव बुंदों खुशबु सुन्दरखौ कंग्रेसनि बुंथिगिरि बिबाननिफ्राय बोख्लायनाय जाबाय। फावखुंग्रिया बुंदों गोबाव समसिम सावरायलायनायनि उनाव गाव कंग्रेसजों सोमोन्दोखौ सिफायनो थांखि लादों। खुशबुआ बिजेपि दैदेनगिरिजों लोगो हमनो तामिलनाडुनिफ्राय दिल्लीयाव थाडे। फेगौ बोसोराव जानो गोनां तामिलनाडु बिधान सभानि बिसायख'थिनि सिगां जेपि नडुनि बाहागो लानायाव समबारआव खुशबुआबो बिजेपिआ बाहागो लादों।

गोनांथि समाव आमेरिकाया भारतजों गसंफानाय नडा : चीन

गोदान दिल्ली, 12 अक्ट'बर : आमेरिकानि गुबुन हादतआरि मन्थि माइक पम्पियनि 60,000 सान्थिफोरखौ थिसन्नाय फिन होनायनि सायाव चीनआ फिनजाथाय होदों। चीननि ग्लबेल टाइम्सआ गावनि आर्टिकेलआव माइक पम्पियनि फिन होनायखौ 'स्मक बम' होनानै मख'दों। जरखाफोरनि गथायनायजों खौरां बिलाइयाव लिरदोंदि, भारत आरो चीननि सावरायनायनि सिगां पम्पियनि बे फिन होनाया सावरायनायखौ होवथानो हाया। मख'जाथावदि टकियनिफ्राय फैफिन्यायनि उनाव माइक पम्पियआ मोनसे इन्टारभित्तआव बुंदोंमोनदि, चीनआ भारतनि सा सिमायाव 60 रोजा सान्थिफोरखौ थिसन्दों। जों आमेरिकानि सुबुंफोरखौ चीननि कम्प्युनिस्ट पार्टीनि खैफोदनिफ्राय रैखाथि होनो नोजेर लाखियो। बिथाड क्वाड मन्थि थाखौनि जथुमानि बाश्राखौ गथायनायनै बुंवावोदि,



गुबुन दर 3 हादतफोर जापान, भारत आरो अस्ट्रेलियाआबो ज' जादों। बेफोर हादतआबो चीननि कम्प्युनिस्ट पार्टीनि जेनाजों जैरेबायदि जों बुजिदों बेबायदिनो बुजियो। संघाइ एकाडेमि अफ ससियेल साइन्सनि इन्स्टिटुट अफ इन्टारनेसनल रिलेसन्सनि मोनसे रिसार्च फेल', हु झाइयंआ रबिबाराव ग्लबेल टाइम्सनो फोरमायदोंदि, आमेरिकानि बेबायदि फोथायनाय गोयैआ संगालि खौरां फोसावनायनि थांखि इन्ड

पेसिफिक सोलोखौ थिसन्नाय जेराव भारतनि खामानियाव होगोन। बेबायदि स्मक बमनि गेजेरजों आमेरिकाया भारतनो बेखौ फोरमायनो नाजायोदि,

दरनैबो हादतआ हे फाजाव होज्लायग्रा लोगो। नाथाय भारत आरो चीननि गेजेरनि थासायिआ गाञ्चि सिन जालाडोब्ला आमेरिकाया भारतजों फुरायै गसंफानाय नडा। बेनि थाखाय हुआ आमेरिकानि बेफार फालांगिनि बाश्राखौ गथायदों। संघाइ इन्स्टिटुट फर इन्टारनेसनल स्टाडीजआव सेन्टार फर एसिया पेसिफिक स्टाडीनि बिथोनगिरि झाआं गानचेंआ बुंदोंदि, भारतआ सिमायाव सान्थिफोरनि दावराव दावसिखौ सुप्रानायनि थांखिनि सोमोन्दे जेबो इसरा होयाखै।

गोदान दिल्ली, 12 अक्ट'बर : भारत आरो आमेरिकानि रैखाथि एबा गुबुनारि हादतनि मन्थिफोरनि सामलायनायाव फेनो गोनां 26 आरो 27 अक्ट'बराव जानो टुप्लास टु सावरायलायनायखौ थियारिफोर खालामनाया गाजा-गोमजायै जादों। आमेरिकानि हादतगिरि बिसायख'थिनि से सप्ताह जानो गोनां बे सावरायलायनि समा सिमा गोनां जागोन। फेब्रुवारी 2020 याव भारतखौ दावबायनाय समाव हादतगिरि ट्राम्पआ गाहाय मन्थि मदिजों लोगोसे दरनै हादतनि सोमोन्दोनि गेजेराव ओन्सोलनि



सिकिउरिदि, डिफेन्स, मोब्लिब गोहो, टेक्नलजी आरो सरासन्ना सुबुंफोरनि गेजेराव सोमोन्दो लालायनायखौ सायख'दोंमोन। बे टुप्लास टु सावरायलायनायनि

मिरुयावबो बे मोनबा सेक्टर थागोन। जुदि दरनै हादतफोरनि गेजेराव बेसिक एक्सचेन्स एन्ड क-अपारेसन फर जिअ' स्पेटिएल क-अपारेसन

(बीका)नि सायाव मुं सायनायखौ गनायथि लायोब्ला, बेयो बे सावरायलायनायनि गिदिर जाफुं सारनाय जागोन। आमेरिकानि लेखाइ गुबुनारि हादतनि मन्थि स्टोफेन बीगनआ मंगलबारनिफ्राय गोदान दिल्लीआव नै सान दावबायगोन। बे सावरायलायनायाव कभिड-19 नि उनाव मुलुगयारि थासायि आरो कभिड इनफेक्सनजों दावहा नांनयाव हेफाजाव होलायनायनि गुबुन गुबुन आयदानि सायाव सावरायनाय जागोन।

कंग्रेसआ आबाद आइननि हेंथायै राजखान्थियारि दावहाखौ गोखौं खालामगोन

गोदान दिल्ली, 12 अक्ट'बर : कंग्रेसआ नरेन्द्र मदि सरकारनि गेजेरजों पान्जाब आरो हरियाणाआव बावैसो सिगां धर्ना होनायनि गोखैथिखौ बारायहोनानै आबाद आइननि हेंथायै गावसोरनि राजकांस्थियारि दावहा नांनयावखौ गोखौं खालामनो थांखि लायो। अदेबानि जाय राइज्योफोरव कंग्रेसआ पावारआव दड बेयाव बे थांखिखौ लानाय जागोन। बे केसजों लोब्ला गोनां सुबुंफोरनि बादिब्ला, पार्टीनि सिडाव बेबादि सान्थि सोमजिदोंदि, आबादिनि खैफोदआ सिगाडवको गामियारि थागिबिफोरनि मोनसे गिदिर



बाहागोखौ गोहोम खोखैदों आरोबाव गोदान आबाद आइननि खैफोदआ बारायगोन। बिथाड सिनायथि होयालासे बुडेंदि, कंग्रेसआ बेखौबो थि खालामदोंदि, पान्जाब राजस्तान आरो छत्तिसगड्डीनि पार्टीजों खुंजानाय राइज्योफोर गावबा-गावनि बिधान सभानि मोनसे जर'खा जथुम्मायाव मिरुवारि आइनफोरखौ फोजेबनो थाखाय गावनिनो आइनखौ पास खालामगोन।

बेनि गेजेरजों पन्डिचेरीनि मिरुजों खुंजानाय राइज्योआ बेनि सोमोन्दे मोनसे थांखि लागोन। बिथाड बुंवावदों, पार्टीनि जौसिन दैदेनगिरिफोर बे बिलनि सोमोन्दे राइज्योनि राइज्यो बेंगिरिफोरनि गेजेरजों गनायथि होगोनखौ फोथाया। बै बिथिडवबो जों जायखि-जाया बादायनायनि थाखाय थियारियै दड। जौनि थांखिआ बे हादरनि आबादारिफोरखौ बेबादि गोसोम आइननिफ्राय रैखा खालामनांगौ। बिथाड बुंवावनाय बादिब्ला, पार्टीआ मोन 3 आबाद बिलफोरनि हेंथायै सुप्रिम कर्टआव थांनयनि सायाव सावरयो। नाथाय बिसोर बेबादि खालामनो थाखाय नेनाया साबसिन जागोन होनानै थांखि लादों।

नेपालनि हुमलायाव चीनआ लुनाय खामानिखौ जागायबाय, जायगानि सुबुंफोरनि थांलाय-फैलायखौबो होबाथादों

काठमान्डु, 12 अक्ट'बर : नेपालनि हुमला जिल्लायाव दखल खालामना लानाय हा बाहागोआव चीनआ लुनायनि खामानिखौ जागायबाय। नेपालनि बेरेखा दोलोनि दैदेनगिरिआ बेनि हेंथायै अजद होदों। करनाली राइज्योनि बेरेखा हान्जानि दैदेनगिरि जीवन बाहादुर शाहीया बुंदोंदि हुमलानि सुबुंफोरा चीननि आखाय होनाया बांबोनायजों जेनायाव गोगलेंदों। चीनआ जाग्रा मुवाफोर लांनय लाबोनाय ट्राकफोरखौबो होबथादों, जायजों जायगानि सुबुंफोर आरो फालांगिरिफोरआ गोबां जे'नाजों मोगा-मोगि जानांगसिनो। शाहीया हुमला जिल्लानि थागिबि। हुमला



आरो माखासे सिमनाजों नांजावनाय जिल्लाफोरआव चीननि आयेन बेरेखा दखल खालामना खुंथाय खुंनया रोखा जादों। नाथाय चीननि फु वारनाय नेमखान्थिखौ नुनाबो नेपाल सरकार जेबो बुडाखै। नेपालनि गाहाय मन्थि के पी शर्मा अलीनि

सरकारआ शाहीनि बे दाय जाबसिन्नायफोरखौ नंखाय होना बुंदों। फार्सेथि शाहीया बुंवावदोंदि, सरकार सोरनि नारसिनायाव मेगन मेसेबना थादों बेखौ मिथिनो मोनाखै। खाबुआव थांनानै सरकारि बिबानगिरिफोरा नुहैनायखौबो सरकार गनायना लायाखै।

उल्थायै सरकारा बुंदोंदि, सिमनाजों नांजावनाय ओन्सोलआव जेबो गोरोंथि हाबाफारि मावनाय जायाखै। मिबथिनो मोननाय जादोंदि, नेपालनि हा सा बाहागोआव गावनि दाबि दैखानायखौ गोखौंसिने खालामनो थाखाय चीननि सुबुंफोरा सिमनानि खुन्थिया एबा पिलारखौ गोरोंथिथयै गायदों। नेपाल सरकारा बे पिलारखौनो थि होनानै बुंदों।

कभिड-19 नि गिबि दोहौनि हेंथायै देरहानायनि लामायाव भारतआ

गोदान दिल्ली, 12 अक्ट'बर : भारतआव सानफ्रोमबो गोदान केसनि अन्जिमा खमायबोनाया फोरमायोदि, गिबि दोहौखौ देरहानायनि फार्से आवगयगसिनो। फार्सेथि बे समावनो नुजाथिनाय एसबिआइनि संदानया फोरमायोदि फोर्बोनि बोथोरआव नैथि दोहौ फेनो हागौ। मानोना माखासे राइज्योफोरआव 'गणेश चतुर्थी' आरो 'अनाम' बायदि फोर्बोनि उनाव इनफेक्सन जानाय सुबुं अन्जिमाया गोबां बांदोंमोन आरो फेनो गोनां फोर्बोनि बोथोरार बेबादि थासायिआ फिन नुजाथिफिन्को हागौ। दुर्गा फुजा, दशहरा, दीवालिआव सुबुंफोरा बांसिने सांप्राथियै थायानयनि गोनांथि दं। रिपर्टनि बादिब्ला, गनेश चतुर्थी आरो अनाम बायदि फोर्बोफोर जानानै माखासे राइज्योआव कभिड-19 नि इनफेक्सन सन्देनाय बेराममि आरो थैनायफोराबो बांदों। फोर्बोयाव बाहागो लानाय सुबुंफोरा गावजों गाव जानागरे थायै, मास्क गांनै आरो आखायखौ सिखोन-साखोन लाखिनायाव नोजेर होयै बायदिनि

जाहोनआव बेबायदि थासायिआ नुजाथिदों। बेनिखायनो फेगौ फोर्बोआव सांप्राडै थायाना गोनां। एसबिआइ रिपर्टनि बादिब्ला, गोबां सोनाबारि हादतफोरआव करनानि केसआ खमायदोंमोनब्लाबो फिन बांसिफिनो हमदों। एसबि आइनि रिपर्टनि बादिब्ला, इनफेक्सननि गोदान केसफोरआव गामियारि ओन्सोलनि हारआ आगस्टआव 53.7 जौखोन्दोमोन। नाथाय सेप्टेम्बर दानआव सहर जिल्लाफोरआव खावसेनि बांसिन गोदान केस दंमोन। गोबां सुबुंफोरा खामानियाव थांनय आरो खामानि नागिरिना फेनाय गुबुन राइज्योनि लेबारफोर सहरफोरआव फेनायनि जाहोनआव बेयो जादों। भारतआव गोदान करना केसआ सानफ्रोमबो खमायबोगसिनो, नाथाय माखासे राइज्योफोरआव केसआ बांगासिनो। राजस्थान, केरेला आरो कर्नाटकआव केसआ बांदों, फार्सेथि, सोनाब बंग, तामिलनाडु आरो गुजरातआव खमायदों अब्लाबो सामलायजाथायाखै।

बिजेपिआ दर 5 राइज्योफोरनि मोन 16 बिधान सभा मासिफोरनि उफ्रा बिसायख'थिनि बिजाथिफोरनि मुंखौ फोसावबाय

गोदान दिल्ली, 12 अक्ट'बर : बिजेपिआ रबिबाराव गुजरात, झारखन्ड, उरिष्ठा, छत्तिसगड्डी आरो मनिपुरनि मोन 16 बिधान सभा मासिफोरनि उफ्रा बिसायख'थिनि थाखाय बिजाथिफोरनि फारिलाइखौ फोसावबाय। बिजेपिनि आफादिगिरि जेपि नड्डानि सामलायनायाव बे बिजाथिफोरनि मुंफोरनि सायाव गनायथि होनाय जादों। बे जथुमआव गाहाय मन्थि नरेन्द्र मदि, रैखाथि मन्थि राजनाथ सिं,



नख'र मन्थि अमित शाह, नितिन गाडकारडीजों लोगोसे मिरु बिसायख'थि समिटिनि गासैबो सोद्रोमाफोरा बाहागो लादों। पार्टीआ छत्तिसगड्डीनि मरवाही (एसटि) बियाबनिफ्राय डू गम्भीर सिं, झारखन्डनि दुमका (एसटि) बियाबनिफ्राय डू लुइस मारान्डी आरो बेरम मासिनिफ्राय यगेस्वर महतनो टिकेट होदों। जेराव मनिपुरनि वानगइ बियाबनिफ्राय अइनाम लुखइ सिं आरो वांजिं टेनाथ मासिनिफ्राय पनम ब्रजन सिं, सेतु मासिनिफ्राय नगामथ हाअकिप आरो सिंघात बि य अ ब नि फ य जिनसुआनहुआखौ बिजेपिआ बिजाथि बानायदों। उरिष्थानि बालासर बियाबनिफ्राय मानस कुमार दत्त आरो तिरतलनिफ्राय राज किशर बेहेरनो टिकेट होदों। बिजेपिआ गुजरातनि मोन 7 बिधान सभा मासिफोरनि उफ्रा बि य स य ख' थि थि नि बिजाथिफोरनिबो टिकेटखौ फोसावबाय। अबदासा बियाबनिफ्राय प्रदुम्न सिं जाडेजा, मरबीनिफ्राय वृजेश मिर्जा धारीनिफ्राय जेबि काकडिया, गधादानिफ्राय आत्माराम परमार, कर्जननिफ्राय अक्षय पाटेल आरो कप्रादा मासिनिफ्राय जितु भाइ चौधुरीनो बिजेपिआ टिकेट होदों।

गावनि आथिडव गसंनाय भारतनि थाखाय क्वाडआ बान्जायजाथाव जानो हागौ

गोदान दिल्ली, 12 अक्ट'बर : जापानहा ग्रीन टेक्नलजिनि बाखि दं। भारतनि सा-सान्जा राइज्योआव जापानआ माखासे गोनांथार यजनाफोरआव खामानि मावगसिनो। क्वाड आव खालि दरखेल हादतफोर गैया। सान्जा एसिया आरो इउर'पनि गासैबो धोनि हादत जैरे आमेरिका बायदिनिबो मदत दं। बेफोरनि बांसिन हादतफोरजों भारतआ गोखौं सोमोन्दे दं। क्वाडनि गेजेरजों ग्रीन एनाजिखौ लानानै मोनसे सान्नाय हानाय सोराडव फेयोब्ला चीननि अबिआरखौ होबथानो हागोन। दर 62 हादतफोर जेराव चीनआ गावनि रांखांथिखौ जौगाखां होनो नाजादों बेनि दर 25 हादतफोरएआव जौगाखानायनि थाखाय कयला आरो इन्धनखौ सावनाय जायो। दर 25 नि 20 हादतफोरा एरैबायदि जायफोरा निखावरि आरो बोथोर सोलायनायजों जेनायाव गोगलेंदों। बे हादतफोरआव बालादेश, नेपाल, श्रीलंका, म्यानमार आरो

आफ्रिकानि माखासे हादतफोराबो दंफायो। 2015 आव पेरिस क्लाइमेट चेन्स रादाय आव बेखौ बुंनय जादोंमोनदि, धोनि हादतआव 10 कौटि डलार ग्रीन एनाजिनि थाखाय निखावरि हादतफोरनो बोसोरारि मदत हरगोन आरो बेजों इन्धन आरो कयलानिफ्राय उदं जानायनि राहा लामा मोनगोन। भारतआ जुदि क्वाडनि मदतजों ग्रीन एनाजि मिरु जायोब्ला आरो इन्ड पेसिफिकखौ ग्रीनये लाखिनायनि बिबानखौ भारतआ मोनोब्ला गोबां सोलायनाय फेगोन। जाय हादतआ चीनजों कयला आरो इन्धननि बेवस्थाजों भुगिनादों, बिसोरनियाव मोनसे राहा लामा एबा अराय सम जौगाखानायनि राहा जानो हागोन। बेफोर हादतआ चीनखौ नागराननै क्वाडनि हान्जायाव बाहागो लागोन। गावनि आथिडव गसंनाय भारतनि मोनसे थांखिसिम सौहेनायाव क्वाडआ मोजां फोरमान जानो हागौ।

बड'सा प्रेस

सिखोन-साखोन आरो
गोखौने बाइदि रोखोमनि फोसाव
बिलाइ, राइडिं पेड, हावानि कार्ड आरो
बाइदि बाइदि बिजाबफोर सेबखानानै दिहुनोब्ला
'बड'सा' प्रेसआव सुलाद लाफै।
बेवहाय लेटार प्रेसनि अनगाबो डि.टि.पि.
कम्प्युटर बुखानानै लेजार प्रिन्टार, स्क्रिन प्रिन्टिं,
दतमेट्रिक प्रिन्टार आरो अपसेट प्रिन्टारव लोगो लोगोनो
साफायनानै हननाय जायो।

बड'सा प्रेस
माइबं नोगोर, कक्राझार।

राजिब गान्धी खेल रत्न बान्था देरहानाय देबेन्द्र झाजरियाआ साइनिफ्राय एनअसि

गोदान दिल्ली, 12 अक्टूबर: नैथि खेब पेरालम्पिक गेम्सआव सनानि मेडेल देरहानाय आरो थानाय बावैसो साननि गेजेराव राजिब गान्धी खेल रत्न बान्थाखौ आजावनो हानाय देबेन्द्र झाजरियाआ थानाय 5 बोसोरनिफ्रायनो स्पर्टस अथ रिटि अफ इन्डिया (साइ) आव साखि मावगासिनो दड। दासान्दि झाजरियाआ गुजरातआव पस्टि जानाने दड। गेलेगिरि देबेन्द्र आ गावनि गेलेनायनि गेजेरजो राजस्तान सरकारनिफ्राय गुबुन मोनसे गोजौ थाखोनि बिफानआव अफिसार महरै थिसनजानो थियारि जादौ। सुलुनि बादिब्ला, राजस्तान सरकारआ सायख'नाय फारिलाइनि ग्रेड-1 आव थानाने अफिसार महरै देबेन्द्र आ साखि मावगोननि थांखिजो साइनिफ्राय एनअसि



लादौ। सुलुडव फोसमायनाय बादिब्ला, हरियाना सरकारनि बादिनो राजस्तानआवबो गेलेगिरिफोरखौ डिएसपि मासिआव थिसनो थांखि लाबाय। देबेन्द्र आ बुडोदि, गावनि राइज्योनि थाखाय आबुडै सिबिथाय होनायनि देरसिन गोजोनथाव जेबो जानो

हाया। राजस्तान सरकारनि बेबादि हाबाफारि लानायखौ गेलेगिरिआ जोबोद साबायख'र जासियो। मख'नो गोनादि, राजस्तान सरकारनि गेलेमु बिफानआ ए आरो बि ग्रेडि थाखाय राइज्योनि मेडेल देरहानाय गेलेगिरिफोरखौ थाबैनो साखिआव थिसन्याय जागोन।

गेलेमु मन्थि अशक चन्दनाया सिफ सेक्रे टारिखौ गाहाय मासिगिरि महरै थिसनाने मोनसे कमिटि दाफुनाय जायो। बे कमिटिआनो राइज्योनि जाफुंसार जानाय गेलेगिरिफोरखौ गोजौ मासिनि साखिआव थिसन्याय जागोन। पेरालम्पिक गेम्सआव सनानि मेडेल देरहानाय देबेन्द्र झाजरियाआ सोलिफु बोसोरनि खेल रत्न बान्थाखौ भारत सरकारनिफ्राय थानाय बावैसो साननि गेजेराव आजावनो हादौमोन। बेबादिनो राजस्तान सरकारनि गेलेमु बिफानआ गेलेनायनि गेजेरजो मेडेल देरहानाने राइज्योखौ गोग्गानाय आरो गोजौ थाखोआव लानो हानाय गेलेगिरिफोरखौ मोनसे साखिनि मान होनो थांखि लानाया राइज्योनि लाइमोन गेलेगिरिफोरखौ थुलुगाखां होनो नाजादौ।

नभाक जकभिचखौ फेजेनाने राफेल नाडालआ 20 थि ग्रेन्डस्लेम देरहाबाय

डाबल्स फाइनाल मेचखौ टिमिया-कृस्टिनाया देरहादौ

पेरिस, 12 अक्टूबर: थानाय मोनने सप्ताहनिफ्राय कभिड-19 नि गिथावनायै गोसारनाय थासारनि गेजेरावबो फारियै सोलिबोनाय फ्रेंस अपेन ग्रेन्डस्लेमनि मेच गेलेनाया मैया गाहामै जोबनाने थांबाय। जगायजेनायनिफ्राय गेलेबोनाय मेचखौ फारियै देरहाबोनाय हानाय साने गेलेगिरिनि गेजेराव मैया फ्रेंस अपेननि सिंगोल्स फाइनाल मेचखौ गेलेयो। मुलुगनां रेंकिनि सेथि गेलेगिरि नभाक जकभिच आरो नैथि गेलेगिरि राफेल नाडालनि गेजेराव फाइनाल मेचखौ गेलेदौमोन। नाथाय स्पेननि राफेल नाडालआ गावनि थांखि बादिबै गेलेनाय मेच एबा फाइनाल मेचखौ देरहानो हायो। फाइनालाव साबियानि गेलेगिरि जकभिचखौ गासै 6-0, 6-2, 7-5 सेट पइन्टआव



फेजेनो हानाने फ्रेंस अपेनखौ 13 थि खेब देरहानो हानायाव जाफुंसारो। अदेबानि गावनि गेलेनाय केरियारआव राफेल नाडालआ मोन 20 थि ग्रेन्डस्लेमखौ देरहानो हायो। गेलेनायनि सिगां सेटखौ राफेल नाडालआ गोलैयैनो लानो हानाने उनि मोनने सेटखौबो फारियै देरहानो हानायजो बे खेबनि फ्रेंस अपेननि टूफीखौ दखलाव लानो हाबावो। फासैथि

जकभिचआ फारियै मोनने सेटखौ जेनो गोनां जानायनि उनाव उनि जोबथा सेटखौ देरहानो थाखाय गोबां नाजाथाबदौमोनब्लावो नाथाय फेलें जायो। जायनि थाखाय राफेल नाडालआ गुबुन मोनसेबाव बे बोसोरनि ग्रेन्डस्लेमखौ देरहानो हानायाव जाफुंसारदौ। बेजो लोमोसे राफेल नाडालआ टेनिस गेलेनाय जारिमिननि ग्रेन्डस्लेम

देरहानायखौ टेनिसनि गेदेमा गेलेगिरि रजार फेडेराजो समान समान खालामनो हायो। देरहानाने राफेल नाडालआ बुडोदि, रजार फेडेराजो देरहानाय ग्रेन्डस्लेम रेकर्डखौ समान खालामनो हानाया आनि थाखाय जोबोद गोग्गाथाव आरो फैगौ समाव बेबादिनो गोखौ गेलेनाने देरहागोनखौ मिजिथि लाखियो। गुबुन फासैथि फ्रेंस अपेननि डाबल्स गेलेनाय आइजोफोरनि फाइनाल मेचखौ साने गेलेगिरि टिमिया बेवस आरो क्रिस्टिनाया देरहानो हानायाव जाफुंसारदौ। टिमिया आरो क्रिस्टिनाया डाबल्स फाइनाल मेचखौ सिली आरो आमेरिकानि डाबल्स गेलेगिरि एलेक्सा आरो डाइसिरियाखौ गासै 6-4, 7-5 सेट पइन्टआव गोलैयैनो फेजेनो हादौ। मख'नो गोनादि, बे बोसोरनि फ्रेंस अपेनखौ देरहानो हानाय सिंगोल्स आरो डाबल्स गेलेगिरिफोर सिगांनिखुड बासिन रं बान्थाखौ आजावनो हादौ।

एसियान गेम्सआव सनानि मेडेल देरहानाय सुमित्रा शर्मानो बि-ग्रेडनि साखि होगोन

राजस्तान, 12 अक्टूबर: राजस्तान सरकारआ थाबैनो सा 30 राइज्योनि गेलेगिरिफोरखो साखि होनो थांखि लाबाय। बेनि गेजेरआव ए-ग्रेडआव सा 11 आरो बि ग्रेडआव सा 19 गेलेगिरिफोरखो गोजौ थाखोनि साखि होगोन। बि-ग्रेडआव फोसावनाय फारिलाइ बादिबै गुबुन गुबुन गेलेगिरिफोरनि गेजेरआव सुमित्रा शर्माआबो



सायख'जादौ। मख'नो गोनादि, 2014 माइथायनि एसियान

गेम्सआव सुमित्रा शर्माया सनानि मेडेलखौ देरहानो हादौमोन। नाथाय बेबादि गिदिर जाफुंसारनायनि गेजेरावबो राइज्यो सरकारआ सिगां समाव साखि होनायनि थियारि नडमोन। फासैथि 2016 सेफ गेम्सआव सनानि मेडेल देरहानाय गेलेगिरिफोरखौबो बि-ग्रेडआव लाखिनाय जादौ। रायखांनो गोनादि, 2018 नि

एसियान गेम्सआव रुफनि मेडेल देरहानाय सालिनी पाटक आरो ब्रन्जनि मेडेल देरहानाय राजुलाल चौधुरीखौ राइज्यो सरकारआ ए-ग्रेडआव लाखिनाय जादौ। बिसोर सायख'जानाय साने गेलेगिरिखौ थाबैनो डिएसपि मासिआव थिसन्याय जागोन। नाथाय एसियान गेम्सआव सनानि मेडेल देरहानाय सुमित्रा शर्माया बिसोर

सानेनि बादि समान माननि मोन्थायखौ मोनफुनो हायैनि अजद खालामदौ। हरियाना सरकारआ 2020 नि जुलाइआव आरो 2014 नि एसियान गेम्सआव मेडेल देरहानाय गेलेगिरिफोरखौ साखिआव थिसनो फोसावनाय बादिबै दासान्दि माखासे गेलेगिरिफोर समान मोन्थाय मोनफुडै नि अजद खालामदौ। राजस्तान

सरकारआ थानाय 2016 नि 1 जानुवारी आउट अफ टार्न साभिस पलिसिनि गेजेरजो मेडेल देरहानाय गेलेगिरिफोरखौ साखि होनायनि गोनांथाव हाबाफारि लानायखौ खायसे गेलेगिरिफोरा गोजोन्यायबो फोरमायदौ। थानाय 2016 नि उनाव अलिम्पिक, एसियान गेम्स, कमन वेल्थ गेम्स, वर्ल्ड

सेम्पियनसिप, वर्ल्ड काप, सेफ गेम्स, नेसनल गेम्स आरो नेसनल सेम्पियनसिप बायदियाव देरहानो हानाय राइज्योनि गेलेगिरिफोरखौ ग्रेड हिसाबै फारिलाइयाव सायख'नाय जादौ। जेराव काबाडु गेलेगिरि सुमित्रा शर्माया सरकारनि समान मोन्थाय होयैखौ लानाने गोजोन्याय गैये फोरमायदौ।



आसाम सरकार
गुदि सोलोथाय बिफान



गथ 'सानि देहायारि आरो गोसोयारि जौगाखांहोनायनि थांखिजो....

गोदान महाराव मिड दे मील बिथांखिनि दाफुंनाय



सर्बानन्द सन 'वाल
गिबि मन्थि, आसाम

गुदि फरायसालिआव फरायफुबाय थानाय उन्दे उन्दे गथ 'साफोरनि पुष्टि बांहोनायनि थाखाय दाफुंनाय मीड दे मील बिथांखिनि गेजेरजो गिबि थाखोनिफ्राय दाइनिथि थाखोसिम गासै गं 53,865 सरकारि-सरकारि हेफाजाब मोन्नाय फरायसालिनि सा 42,80,044 फरायसुला-फरायसुलिफोरखौ सायख'नाय जादौ।

सोलोथाय बिफाननि फोसावनाय राहाफोर :

- दासान्दि करना गोसारनायनि थाखाय दुलाराय राइज्योआवनो थानाय मार्च दानिफ्रायनो गुदि फरायसालिफोरा बन्द' जानाने थानायनि जाहोनाव फरायसालिआव मीड दे मील हाबाफारिखौ सोलायनाने आसाम सरकारनि सोलोथाय बिफानआ जरखा राहा लानाने फरायसुला-फरायसुलिफोरनि थाखाय मीड दे मीलनि बेसादफोरखौ न'-न' रानाने होना बिथांखिखौ फारियै मावफुंनोदौ।
- बे बिथांखिआव फरायसुला-फरायसुलिफोरखौ पुष्टि गोनां जौगाखां खालामनायनि थांखिजो आदार फारिलाइखौबो जरखायै सोलायनाय जादौ। बेनि बादिबै खेबफ्रोम सप्ताहआव साफ्रोमबो गथ 'साफोरनि थाखाय देसेयै दावदे आरो मिरामिस आदारखौ फरायसुला-फरायसुलिफोरनि थाखाय दावदेनि-सवाबिन होनायखौ थि खालामनाय जादौ।
- बेनि अनगायैबो मीड दे मील बिथांखिनि गेजेरजो दानिफ्रायनो फरायसालिआव लाखिनाय मुवा बेसादफोरखौ जरखायै थियारि खालामनाय गुबुन गुबुन रोखोमनि जाजाग्रा आदार, जैरे लारु-फिथा बायदिखौ गथ 'साफोरनि न' न' थानाने जगायथाय होनायनि राहा लानाय जादौ। करना गोसारनाय समाव बे राहाआ सोलिबाय थागोन।
- दासान्दि करना गोसारनाय समाव आदार-बेसादखौ फरायसुला-फरायसुलिफोरनि न' न' थाना रानाने होना मीड दे मील बिथांखिखौ आबुडै दाफुंनायनि फारसे माननि फोरगिरिफोरनि अनगायैबो फरायसालि सामलाय आफाद आरो दिथागिरिफोरनि हेफाजाबनि थाखाय जों खावलायबाय।

फैगौ सानफोराव बे बिथांखिखौ गाहामै मावफुंलांनो थिखानाय बिबानगिरिफोरनिफ्राय हेफाजाब मोनगोनखौ मिजिथिबाय।